



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

5984a



891.71

Գ-83

ՀԱՅԿԱՍՏԱՆԻ

ԳՐԱԴԱՐԱՆ

ՄԱՔՍԻՄ

ԳՕՐԿԻ

ՊԵՏԱԿԱՆ ԳՐԱԴԱՐԱՆ

(Ա. ԳՐԻԿ)

Պարզ. Զ. ՏՈՒՐԱՆՅԱՆ

Տպարան «ՀԵՐԵՒԱՆ» Թիֆլիս

I

Երևան

Մայրաքաղաք

Գրադարան

65

1002

ՀԱՄ  
5964

27 AUG 2006

Թարգմանական գրադարան 10 NOV 2010

891.71

Գ-83


# ՄԱՔՍԻՄ ԳՕՐԿԻ

Ա.

БИБЛИОТЕКА  
ИНСТИТУТА  
ВОСТОКОВЕДЕНИЯ  
Академии Наук  
СССР

Մաքսիմ Գորկի (յեկնագր.).  
Ընթերցող. Տախաստանում.  
Զաննորոյքից:

Թարգմ. Զ. ԱՄԲԱԶԵԱՆԻ.



Տպարան «ՀԵՐՄԷՍ» Ա. Նազարեանցի, Միֆ. փող. № 81  
Թիֆլիս 1904 թ.

(4)

2 1 MAR 2013

10779

BOUS OUA T.S



DE 1882

ATYINTYIN  
TOSAN QHSTQIE  
3033

Дозволен. Ценз. Тифлисъ, 28-го Октября 1903 г.



60963-67





Մաքսիմ Գորկի

## Մ Ա Ք Ս Ի Մ Գ Օ Ր Կ Ի

Մաքսիմ Գորկին (իսկապէս Ալէքսէյ Մաքսիմովիչ Պէշկով) ծնուել է 1869 թուի մարտի 14-ին Նիժնի Նովգորոզ քաղաքում հարուստ ներկարար Կաշիրինի զուտար Վարվառէից և քաղաքացի (мещанинъ) Մաքսիմ Պէշկովից, որ արհեստով որմնաթուղթ պատրաստող էր: Հայրն ու մայրը պսակուել էին ինքնագլուխ, որովհետև հարուստ պապը մտածել իսկ չէր ուզում իր աղջիկը պսակել կեանքի մէջ դեռ ևս նոր-նոր իրան ճանապարհ հարթող՝ աննշան մի մարդու հետ: Հայրը մեռաւ 1872 թուին, երբ Գորկին դեռ երեք տարեկան էր և խոլերայով հիւանդ պառկած: Մայրն ամուսնացաւ ուրիշի հետ և շուտով մեռաւ բարակացաւից: Գորկու համար սկսուեց անտէր-անտիրական մանկութիւնը, իսկ յետոյ թափառական կեանքը: Սկզբում նա ընկաւ դաժան պապի ճանկը և քիչ մեծանալով՝ սկսեց վազել ուսումնարան: Բայց ծաղիկ հանելուց յետոյ ուսումն ընդհատեց և այլ ևս չշարունակեց: Հազիւ

լրացաւ ինն տարին, նրան «աշկերտ» տուին մի խանութ, որտեղ ոտնամաններ էին ծախում: Բայց այստեղ էլ եռացրած ջրից այրուածք ստացաւ, և տէրը նրան տուն ուղարկեց: Առողջանալուց յետոյ աշակերտ մտաւ մի գծագրողի մօտ, որից փախաւ՝ չկարողանալով տանել նրա վարձունքը, և մի շոգենաւի մէջ խոհարարի օգնական դարձաւ: Գուրս եկաւ, որ այս խոհարարը, Սմօրի, ոչ սիւսյն գրագէտ, այլ և ընթերցասէր մարդ էր: Նա բարեսրտութեամբ տղայի արամազրութեան տակ գրեց պատահական գրքերից բաղկացած իր գրադարանը, որտեղ Նեկրասովի կողքին կար էկկարտս Հաուզէնը. այստեղ էր „Современникъ“-ի մի հատորը, „Искра“-ի խառնիխուռն համարները և հին վէպեր: Շոգենաւի վրայ ծառայելիս Գօրկին շատ լաւ ծանօթացաւ Վօլգային, որի վրայ տիրող կեանքն է գլխաւորապէս նրա երկերը ներշնչողը: Իսկ Սմօրիի գրքերի շնորհիւ նա սիրեց ընթերցանութիւնը: 15 տարեկան հասակում նրա մէջ զարթնեց ուսման «բունն ցանկութիւն» և գրա համար նա գնաց Կազան քաղաքը: Սակայն «գիտութիւն գնելու համար փող չունէր», ուստի գիտութեան տաճարը մտնելու փոխարէն հարկ եղաւ ամսական երեք ռուբլու մանել բլիթներ պատրաստող մի գործարան և օրական 18—20 ժամ աշխատել: Գօրկու

կեանքի այս ամենածանր ժամանակի մասին յիշողութիւնները ընթերցողը կգտնի նրա պատմութիւնների մէջ — «Կօնօվալով», «Քսան և վեյ և մէկ», «Նախկին մարդիկ»: Այստեղ, հէնց Կազանում, նա հարկադրուած եղաւ իր պարէնը վատակել պատահական աշխատանքներով — բեռ կրելով և փայտ սղոցելով:

Նա սպրում էր բօսեակներին, «նախկին մարդկանց», շրջմուկներին և մուրացկանների հետ, որոնք, իհարկէ, մեծ ծառայութիւն արին նրան՝ տաղանդաւոր պատանուն երես առ երես դնելով կեանքի անիծեալ խնդիրներին հետ. չէ՞ որ այդ նախկին մարդկանցից ամեն մէկը «մի կենդանի դժնդակ հարց էր, որ մարմնացել էր հասարակութեան միջից դուրս շարտուած մի մարդու ճակատագրի մէջ»: Ի՞նչպէս ծագեց այդ թափառական, անոք—անինչ բազմութիւնը. ինչո՞վ կենդանի են նրանք իրանց նկուղներում: Գօրկին այստեղ շատ բան տեսաւ և հասկացաւ: Այստեղ նա ամբարեց իր ապագայ գործունէութեան համար ահագին պաշար, ամեն ինչ իր անձի վրայ փորձելով: Կեանքի տականքն ու թափթփուկը ճանաչեց նա, ոչ թէ հարևանցի նայելով, այլ թափանցեց կեանքի խորը, անձամբ կրեց նրա բոլոր դառնութիւնները, և հէնց այդտեղ, այդ վիճի՛ այդ տղմի մէջ գտաւ իր «հերոսներին», որոնք թէև գը-

ծուծ, հասարակութիւնից դուրս շարտուած են, բայց դարձեալ մարդ են՝ հարուստ բազմազան խոհերով, հարուստ բազմազան զգացմունքներով:

1888 թուին Գօրկին անձնասպանութեան փորձ արեց: Նա իր թոքը վիրաւորեց, բայց առողջացաւ, «տկարանալով՝ որքան հարկաւոր է» . յետոյ խնձոր ծախեց, երկաթուղու ճանապարհի վրայ պահապան եղաւ և 1890 թուին նորից ընկաւ Նիժնի Նովգորոզ՝ զինուորակոչին ներկայանալու: Սյստեղ առաջին անգամ նա շփուեց ինտելլիգենցիայի հետ: Զինուորական ծառայութիւնից ազատուելով՝ նա գնաց թափառելու. անցաւ Խրիմը, Բեսարաբիան, Կուբանը և ապա ընկաւ Թիֆլիս, որտեղ երկաթուղու արհեստանոցներում գործի եղաւ: Հէնց այստեղ էլ 1892 թ. նա սկըսեց իր գրական գործունէութիւնը՝ տպելով „Кавказъ“ լրագրում «Մակար Զուգրա» պատմուածքը... Թափառական կեանքի և փորձութեան տարիները վերջացան: Գօրկին թէև ոչ մի անգամից, սակայն վիճակի աւելի աննշան փոփոխութիւններից յետոյ՝ ոտք դրեց այն լայն ճանապարհը, որ մի քանի տարի յետոյ հասցրեց նրան համաշխարհային փառքի և մեծ ազդեցութեան: Սյժմ նա սիրելի հեղինակ է թէ՛ Ռուսաստանում, թէ՛ ամբողջ Եւրոպայում, թէ՛ Ամերիկայում, մինչև անգամ Ճափոնիայում:

Ի՞նչ է ասում նա մեզ. ի՞նչ է քարոզում. որովհետև նա, ինչպէս և ամեն մի մեծ գրող, միևնոյն ժամանակ ուսուցիչ և քարոզիչ է. նա մեզ ասում է. ինչպէս հարուստ և գեղեցիկ է մեզ շրջապատող կեանքը: Նա ասում է. ինչ լաւ է մարդը, թէկուզ նա անկման անդունդին հասած՝ մեծ քաղաքների նկուղներն ապաստանած լինի. խօսում է այն մասին, թէ ինչպէս ապականել ենք մենք այդ հարուստ, գեղեցիկ կեանքը մեր ստոր կրքերով, գովելու ծարաւով, տգիտութեամբ և փառասիրութեամբ, մեր ազահութեամբ և մեր ու մեր մարդ-եղբոր անձը չըյարգելով: (Журн. для ВСѢХЪ).



### Ը Ն Ր Ե Ր Ց Ո Ղ .

Գիշեր էր, երբ ես փողոց դուրս եկայ մի տանից, որտեղ մօտիկ մարդկանց շրջանում կարդացի իմ առաջին սպուլած պատմուածքը: Ինձ շատ էին գովում, և ես ախորժեղի յուզմունքի մէջ՝ դանդաղ քայլում էի ամայի փողոցով՝ կեանքիս մէջ առաջին անգամ այդպէս լիուլի զգալով ապրելու հաճոյքը:

Փետրվար ամսին էր. պարզ գիշեր էր, և անամպ երկինքը խիտ աստղերով սփռուած՝ զուարթ ցրտութիւն էր շնչում երկրին, որ ծածկուած էր հէնց նոր եկած ձիւնի շքեղ զարդարանքով: Ծառերի ձիւղերը ցանկապատից կախուելով, ձգում էին ճանապարհիս վրայ ստուերների հրաշալի նկարներ, պայծառ և զուարթ պսպղում էին ձիւնի բերբեղները լուսնի կապտագոյն հեղ փայլի ներքոյ: Ոչ մի տեղ չէր երևում կենդանի էակ, և ոտքերիս տակ ձիւնի ճոճոտքը միակ ձայն էր, որ ընդհատում էր ինձ համար անմոռաց այդ պայծառ գիշերուայ խորհրդաւոր լուծիւնը... Ես մտածում էի.

— Լաւ է աշխարհիս վրայ մարդկանց մէջ մի բան լինելը: Ու երեակայութիւնս՝ չխնայելով պայծառ գոյներ, նկարում էր ապագաս...

— Այո, գուք մի հրաշալի բան էք գրել... Այդ փաստ է, — մտախոհ կերպով ասաց մէկն յետեիցս:

Ես ցնցուեցի անակնկալութիւնից և շուրջս նայեցի: Մուգ գոյն հագած մի փոքրիկ մարդ հասաւ ինձ և հաւասար քայլեց ինձ հետ՝ վարից վեր դէմքիս նայելով և ժպտալով: Նրա ամեն ինչը սուր էր — հայեացքը, այտոսկրը, էսպանիօլիով ծնօտը. նրա փոքրիկ չորչորիկ կերպարանքն ամբողջովին աչք էր ծակում իր տարօրինակ տձևութեամբ. քայլում էր թեթև և, կարծես, անձայն, ասես՝ սահում էր ձիւնի վրայով: Ես նրան չէի տեսել այնտեղ, ուր կարդում էի, և հասկանալի է, նրա ձայնից զարմացած էի: Ո՞վ է սա և սրտեղից:

— Դուք... նոյնպէս լսում էիք, — հարցրի ես:  
— Այո, հաճոյք ունեցայ:

Նա խօսում էր տեսօր ձայնով: Նրա շրթունքները նուրբ էին. սև, փոքրիկ ընչացքը չէր ծածկում նրանց ժպիտը, որ չէր անհետանում և անախորժ տպաւորութիւն էր թողնում, որովհետև զգում էի, որ այդ ժպիտի տակ թագնուած էր մի տեսակ կծու՝ ինձ համար աննպաստ միտք: Սակայն ես այնչափ լաւ էի տրամադրուած, որ չէի կարող կանգ առնել ուղեկցիս այդ գիծը դիտելու, և իբր ստուեր սահելով աչքիցս, նա արագ անհետացաւ իմ պայծառ ինքնագոհութեան տեղի տալով: Ես գնում էի նրա հետ քովէ-քով և սպասում էի, թէ ինչ կասէ նա, ծածուկ յուսալով, որ նա կաւելացնի այն հաճելի լուսանկարի թիւը, որ ես վայելեցի այդ գիշեր: Մարդս ագահ է, որովհետև ճակատագիրը շատ հազիւ է ժպտում նրան զգուանքով:

— Լաւ է իրան մի բացատրիկ բան զգալը, չէ՞. — հարցրեց ուղեկիցս:

Նրա հարցի մէջ առանձին ոչինչ չնկատեցի և շտապեցի համաձայնել նրա հետ:



— Խէ-խէ-խէ, — կծու ծաղրով ծիծաղեց նա՝ նեարդոտ կերպով շփելով իր փոքրիկ ձեռքերը բարակ, կառչող մատներով:

— Դուք ուրախ մարդ էք եղել... սառնութեամբ ասացի ես՝ նրա ծիծաղից վիրաւորուած:

— Հն, ես ուրախ մարդ եմ, — ժպտալով հաստատեց նա և թափ տուեց գլուխը: — Մէկ էլ որ շատ հետաքրքիր եմ... միշտ ուզում եմ գիտենալ. ամեն բան գիտենալ — այդ իմ մշտական ձգտումս է. և հէնց այդ է, որ իմ մէջ պահպանում է ժրութիւն և համարձակութիւն: Այ, հէնց հիմա կամենում եմ իմանալ, ինչ արժէ ձեզ համար ձեր յաջողութիւնը:

Ես նրան նայեցի և ահամայ պատասխանեցի.

— Մի ամսի չափ աշխատել էի... կարելի է մի քիչ էլ աւելի...

— Ըհը, — արագ յարեց նա: — Մի քիչ աշխատանք, յետոյ կենսական փորձի մի մասնիկ, որ միշտ մի բան արժէ... Սակայն այնուամենայնիւ այդ թանկ չէ, երբ դուք այդ գնով ձեռք էք բերում այն գիտակցութիւնը, թէ ահա այս վայրկեանիս մի քանի հազար մարդ ապրում է ձեր մտքերով, ձեր երկը կարգալով: Եւ ապա ծագում է յոյս, թէ կարելի է, ժամանակով... խէ, խէ... և երբ դուք մեննիք... խէ, խէ, խէ...: Այս բոլորի համար կարելի է աւելին տալ, աւելի՛ քան դուք մեզ տուիք — այնպէս չէ:

Նա դարձեալ ծիծաղեց իր քոքոսն և խայթող ծիծաղով՝ խորամանկութեամբ ոտից գլուխ ինձ նայելով սուր, սև աչիկներով: Ես էլ նրան նայեցի վերից վար և վիրաւորուած՝ սառնութեամբ հարցրի նրան.

— Ներեցէք... Ո՞ւմ հետ հաճոյք ունիմ խօսելու:

— Ով եմ: Չէք գուշակում: Իսկ ես առ այժմ՝ ձեզ

չեմ ասել, ով եմ... մի՞թէ ձեզ համար աւելի կարևոր է մարդու անունը գիտենալը, քան այն՝ թէ ինչ կասի նա:

— Ի հարկէ, ոչ... — պատասխանեցի ես. — բայց այս բոլորը տարօրինակ է...

Նա՛ չգիտեմ — ինչու՛ ձեռք տուեց վերարկուիս թևին և կամաց ծիծաղելով՝ ասաց.

— Էհ, թող լինի տարօրինակ, ինչո՞ւ մարդս երբեմն թոյլ չտայ իրան դուրս գալու սովորականի և առօրեայ շրջանակից... Եւ եթէ դուք հեռու չէք այդ անելուց — եկէ՛ք անկեղծօրէն խօսինք: Երևակայեցէ՛ք, թէ ես ընթերցող եմ... մի տարօրինակ ընթերցող, որ շատ հետաքրքիր է և կըկամենար Քմանալ, ինչո՞ւ համար և ինչպէս պատրաստում է գիրքը... օրինակ, ձերը: Դէհ, եկէ՛ք խօսենք:

— Օ, խնդրեմ... — ասացի ես: — Ինձ շատ հաճելի է... այսպիսի հանդիպումն և... խօսակցութիւն հնարաւոր է ոչ ամեն օր: — Բայց ես արդէն ստում էի, որովհետև ինձ համար այս բոլորը դառնում էր անհաճոյ: Մտածում էի. — ինչ է ուզում սա. և ինչ հիման վրայ ես ինձ թոյլ կտամ այս փողոցային հանդիպումին տալ մի տեսակ բանակոտի բնակութիւն:

Սակայն ես այնուամենայնիւ կամաց գնում էի նրա հետ և աշխատում էի դէմքիս վրայ արտայայտել սիրալիր ուշադրութիւն դէպի ուղեկիցս: Այս բանը — յիշում եմ — դժուարութեամբ յաջողում էր ինձ: Բայց և այնպէս զուարթ տրամադրութիւն դեռ շատ ունէի. ես չէի կամենում վիրաւորել այս մարդուն՝ մերժելով խօսակցել նրա հետ. միայն վճռեցի զգոյշ լինել:

Մեր յետևից լուսինը փայլում էր երկնակամարի վրայ, և մեր ստուերներն ընկած էին ոտքերիս տակ: Միանալով և մի խաւար բեր կազմելով՝ նրանք մայթի

վրայով սողում էին մեր առջևից. իսկ ես նայում էի նրանց և զգում էի, որ իմ մէջ ծագում էր մի բան, որը, ինչպէս այդ ստուերները, խաւար էր, անըմբռնելի, և ինչպէս նրանք, նոյնպէս առջևս էր:

Ուղեկիցս բոպէհաչափ լռեց և յետոյ խօսեց իր խոհերին տիրապետող մարդու ինքնալստահ եղանակով.

— Աշխարհիս վրայ ոչինչ աւելի կարևոր և հետաքրքրելի չէ, քան մարդու արարքների զրդիչը... Այնպէս չէ՞: Ես գլխով արի:

— Դուք համաձայն էք... Ուրեմն եկէ՛ք անկեղծօրէն խօսենք... անկեղծ խօսելու առիթը բաց մի թողնէք, քանի դեռ ջանել էք...

— Տարօրինակ մարդ է. — մտածեցի ես և նրա խօսքերով հետաքրքրուած՝ հարցրի նրան ծիծաղելով.

— Բայց այդ ի՞նչպէս... միանգամից: Եւ ինչի՞ մասին խօսենք:

— Հապա ինչո՞ւ դանդաղ շարժուինք, երբ մի թըռիչքով կարելի է նպատակին հասնել. — աշխոյժ պատասխանեց նա՝ նայելով դէմքիս, և վաղեմի բարեկամի մտերմութեամբ բացականչեց.

— Խօսենք գրականութեան նպատակների մասին:

— Խնդրեմ... թէպէտ և, ինձ թւում է, արդէն ուշ է...

— Օ՛, ձեզ համար դեռ ուշ չէ...

Ես կանգ առայ՝ այդ խօսքերից զարմանալով. — նա արտասանեց այդ խօսքերն այնպիսի լուրջ համոզմունքով... և նրանք հնչում էին որպէս փոխաբերութիւն: Ես կանգ առայ՝ ցանկանալով մի բան հարցնել նրան, բայց նա ձեռքս բռնելով՝ կամացուկ և զօրով առաջ տարաւ, ասելով ինձ.

— Մի կանգնէ՛ք, որովհետեւ ինձ հետ դուք լաւ

ճանապարհի վրայ էք... Բաւական է այսքան յառաջաբանը: Ասացէ՛ք— ի՞նչ է ուզում գրականութիւնը... դուք նրան ծառայում էք, պարտաւոր էք այդ գիտեանալ:

Չարմանքս աճում էր ի հաշիւ ինքնատիրութեանս: Ի՞նչ է ուզում այն մարդն ինձանից: Ո՞վ է սա:

— Բարեկամ, — ասացի ես, — համաձայնեցի՛ք, որ այս ամենը, որ կատարւում է մեր մէջ...

— Ունի բաւականաչափ հիմք, — հաւատացէ՛ք ինձ: Չէ՞ որ աշխարհումս ոչինչ չէ կատարւում առանց բաւականաչափ հիմունքի... Ուրեմն գնանք արագ, բայց ոչ թէ առաջ, այլ խորը...

Անվիճելի է, որ այս խենթը հետաքրքրական էր, բայց նա ինձ բարկացնում էր: Ես դարձեալ մի անհամբեր շարժում գործեցի դէպի առաջ. նա գալիս էր իմ յետևից և հանդարտ ասում էր ինձ.

— Ես ձեզ հասկանում եմ. ձեզ դժուար է այս վայրկեանիս որոշել այն նպատակը, որին հետևում է գրականութիւնը: Ես կփորձեմ որոշել...

Նա հառաչեց և ապա ժպտեցիս նայեց դէմքիս:

— Դուք կհամաձայնէ՛ք ինձ հետ, եթէ ես ասեմ, որ գրականութեան նպատակն է — օգնել մարդուն ինքն իրան ճանաչելու, զօրացնել նրա հաւատը դէպի իր անձը և զարգացնել նրա մէջ ձգտումն դէպի ճշմարտութիւնը, մաքառել մարդկանց մէջ տիրող դատարկութեան դէմ, ունակութիւն ընձեռել նրանց մէջ լաւը գտնելու, զարթեցնել նրանց սրտի մէջ ամօթ, բարկութիւն, քաջութիւն, անել ամեն բան նրա համար, որ մարդիկ դառնային ազնիւ և զօրեղ և կարողանային ներշնչել իրանց կեանքին գեղեցկութեան նուրբ ոգի: Ահա իմ բանաձևը. սա, իհարկէ, լիակատար չէ, ձեական է... Լրացրէ՛ք սրան այն ամենով, որ կարող է ոգի ներշնչել

կեանքին, և ասացէք,—համամիտ էք ինձ:

—Այո՛, այդ այդպէս է... ասացի ես:— Մօտաւորապէս այդպէս է: Ընդունուած է մտածել, որ ընդհանրապէս գրականութեան խնդիրն է ազնուացնել մարդուն...

—Ահա թէ ի՞նչ մեծ գործի էք ծառայում դուք.— ազդուարար ասաց այս մարդը... և նորից ծիծաղեց նա իր կծու ծաղրով.— խէ, խէ խէ:

—Սակայն ինչո՞ւ համար էք ասում այս բոլորը.— հարցրի ես, այնպէս ձևացնելով՝ իբր թէ նրա ծիծաղն ինձ չի վիրաւորում:

—Հասպա դուք ի՞նչ էք մտածում, ասացէք անկեղծ...

—Անկեղծ ասած՝... սկսեցի ես՝ մտածելով մի կծու ծաղր, և լռեցի: Ի՞նչ է նշանակում անկեղծ խօսել: Այս մարդը չիմար չէ. նա պէտք է գիտենայ, թէ սրբան նեղ են մարդու անկեղծութեան սահմանները, և ինչպէս ամուր է պահպանում նրանց ինքնասիրութիւնը: Նայելով ուղեկցիս երեսին, ես ինձ զգացի խորը խայթուած նրա ժպիտից—այնքան հեղնութիւն և կծու արհամարհանք կար նրանում: Ես դարձեալ զգում էի, որ սկսում եմ մի բանից վախենալ և այդ երկիւղն ինձ ստիպում է հեռանալ նրանից:

—Ցտեսութիւն, — սառնութեամբ ասացի ես՝ զըլխարկս վերցնելով:

—Ինչո՞ւ.— հանդարտ բացականչեց նա:

—Ես չեմ սիրում կատակը, երբ նրա մէջ չկայ վայելուչ չափ:

—Էհ, գնացէք... Այդ ձեր գործն է... Սակայն գիտէ՞ք, եթէ դուք այժմ հեռանաք ինձանից, մենք այլևս երբէք չենք հանդիպիլ:

В. И. ЛЕНИН  
ИНСТИТУТ  
ИСТОРИИ  
РОССИЙСКОЙ  
АКАДЕМИИ  
НАУК  
СССР

«Երբէք» խօսքը նա շեշտեց, և նա հնչում էր իմ ականջին՝ ինչպէս թաղման զանգահարութիւն: Ատում եմ այդ խօսքը և վախենում եմ նրանից. նա ինձ միշտ պատկերանում է ծանր և սառն, մուրճի պէս մի բան, որ ճակատագրով սահմանուած է մարդկանց յոյսերը փշրելու համար: Այդ խօսքը կանգնացրեց ինձ.

—Ի՞նչ էք կամենում,— թախիծով և սրտնեղութեամբ հարցրի ես:

—Նստե՛նք այստեղ,— նորից քմծիծաղ տալով՝ արտասանեց նա և ձեռքս պինդ բռնելով՝ ցած քաշեց:

Այդ վայրկեանին մենք քաղաքային պարտիզի ծառուղու վրայ էինք, ահացիտաների և յասմիկների անշարժ և սառցապատ ճիւղերի մէջ: Լուսնի լուսով լուսաւորուելով՝ նրանք կախուած էին օդի մէջ իմ գլխավերև և, ինձ թւում էր, թէ սառուցով և եղեամով ծածկուած այդ պինդ ճիւղերը թափանցում են կուրծքս և հպում են սրտիս:

Ուղեկցիս արտասովոր վարմունքից շուարած և տարակուսած՝ ես նայում էի նրան և լուսմ:

—Սա հիւանդ է,— մտածեցի ես՝ կամենալով քաջալերել ինքս ինձ և բացատրել նրա արարքները: Սակայն նա՝ չգիտեմ ինչպէս՝ գուշակեց իմ միտքս:

—Դու կարծում ես, որ ես առողջ չեմ: Թո՛ղ այդ ի՞նչպիսի դատարկ և վտանգաւոր միտք: Նրանով նախապաշարուելով՝ ի՞նչպէս յաճախ հրաժարում ենք մենք հասկանալ մարդուն միայն այն պատճառով, որ նա մեզանից ինքնուրոյն է, և այդ միտքն ի՞նչպէս պինդ պահպանում և բարդացնում է մեր յարաբերութիւնների տխուր անփութութիւնը:

—Օ, այո՛,— ասացի ես, աւելի ու աւելի գորեղ շփոթմունք զգալով այս մարդու առաջ:— Սակայն, նե-

60963.67

МБС 402 90. 21. 1960  
ГСС Б. И. Ленин  
ЗУОН-Арм ССР  
И. М. А. МАСНАДЖИ  
2

րեցէք, ես կգնամ... արդէն ժամանակ է:

— Գնա... սակայն իմացի՛ր, որ դու շտապում ես քեզ կորցնելու... խէ, խէ, ... նա բաց թողեց ձեռքս, և ես հեռացայ:

Նա մնաց պարտիզում, սարի վրայ, որ ծածկուած էր ձիւնի սպիտակ սաւանով և կտրատուած էր շաւիղ-նեբի մոյզ երիզներով: Նրա առաջ բացւում էր ընդարձակ տեսարան գետի այն կողմը՝ անմոռուչ տխրագին հարթավայրի վրայ: Այն մարդը մնաց պարտիզում, նստաւ նստարաններից մէկի վրայ և սկսեց նայել դէպի ամայի հեռաստանը. իսկ ես գնում էի ծառուղու երկարութեամբ և զգում էի, որ նրանից չեմ հեռանալ. բայց և այնպէս գնում էի: Գնում էի և մտածում.— կամաց, թէ արագ պէտք է գնամ, որ ցոյց տամ նրան, այնտեղ՝ յետևը նստած մարդուն, թէ որքան աննշան է նա ինձ համար:

Ահա նա կամացուկ շուայնում է մի ծանօթ բան...: Ես գիտեմ, դա ծիծաղաշարժ տխուր մի երգ է կոյրի մասին, որ յանձն առաւ կոյրերի առաջնորդի դերը: Ինչո՞ւ նա հէնց այդ երգն է շուայնում.— մտածեցի ես:

Եւ այստեղ ես հասկացայ, որ այն բոլորից, երբ հանդիպեցի այս փոքրիկ մարդուկին, ես մտայ բացառիկ և տարօրինակ զգացողութեան միջին շրջանը: Իմ ոգու առաջուայ միապաղաղ և գո՞ն տրամադրութիւնը սքողուեց մի կարևոր և ծանր ակնկալութեան մշուշով:

— «Ի՞նչպէս կլինիս առաջնորդ,

երբ ուզին է անձանօթ».—

յիշում էի այն երգի բառերը, որ շուայնում էր մարդը:

Ես շուռ եկայ և նրան նայեցի: Մէկ ձեռքով ծընկին յենած և գլուխն ափին դրած՝ նա նայում էր ինձ, շուայնում էր, և նրա սև ընչացքը շարժում էր լուսնի

լուսով լուսաւորուած երեսին: Մի ճակատագրական զգացմունքից դրդուած՝ վճռեցի յետ դառնալ: Արագ մօտեցայ, նստեցի կողքին և ասացի նրան անվրդով՝ բայց ջերմագին.

— Բարեկամ, խօսենք պարզօրէն...

— Այդ անհրաժեշտ է մարդկանց համար,— գլխով արեց նա:

— Դուք, զգում եմ, մի տեսակ ոյժ ունիք ինձ վրայ. ազդելու, և, պարզ է, ինձ բան ունիք ասելու. հա՛:

— Վերջապէս, դու քեզանում քաջութիւն գտար ինձ լսելու.— բացականչեց նա ծիծաղելով. բայց այժմ այդ ծիծաղը մեղմ էր, և մինչև իսկ, ինձ թուաց թէ ուրախութեան պէս մի բան լսեցի նրանում:

— Դէ՛հ, խօսեցէք... ասացի ես.— և եթէ կարող էք, խօսեցէք առանց տարօրինակութեան:

— Օ, շատ լաւ: Բայց համաձայնի՛ր, որ տարօրինակութիւնն անհրաժեշտ էր նրա համար, որ դէպի ինձ գրաւէի ուշադրութիւնդ: Այժմ բխնում է մարդուս ուշադրութիւնը դէպի սովորականը և պարզը՝ իբրև չափազանց պաղ ու կոպիտ բան. այն ինչ ջերմացնել և նրբացնել մի բան մենք չենք կարող— ինքներս սառն ենք ու կոպիտ: Մենք, թւում է, նորից կամենում ենք անուրջներ, գեղեցիկ մտացածին բաներ, ցնորք և տարօրինակութիւն. որովհետև մեր ստեղծած կեանքը թափուր է գոյններից, նսեմ է և ձանձրալի: Իրականութիւնը, որ մենք երբեմն այնպէս տաք-տաք ուզում էինք բարեշրջել, ջախջախեց և տրորտեց մեզ... Ի՞նչ անենք: Փորձենք, թերևս մտացածինը և երևակայութիւնը օգնեն մարդուս կարճ ժամանակով վեր ամբառնալ երկրիս երեսից և լաւ գննել նրա վրայ իր կորցրած տեղը: Կորցրած, այնպէս չէ: Չէ՞ որ մարդս այժմ երկրի թագաւորը չէ, այլ կեանքի ստրուկը. կորցրեց նա իր ան-

դրանիկութեան պարծանքը՝ խոնարհուելով փաստերի առաջ. այնպէս չէ: Իր ստեղծած փաստերից նա հանում է եզրակացութիւն և ասում է ինքն իրան. ահա անփոփոխ օրէնք: Ու ենթարկուելով այդ օրէնքին, նա չի նկատում, որ արգելք է դառնում իր՝ քանդելու և ստեղծելու իրաւունքի պաշտպանութեան համար վարած պայքարին: Ասենք, նա այլ ևս չի էլ մաքառում, այլ միայն համակերպում է... Ինչո՞ւ համար մաքառէ: Նրան ո՞վ է տուել այն իրէպալները, որոնց համար նա անձնութիւն թիւն ցոյց տար: Ահա թէ ինչու կեանքն աղքատ է և տաղակալի. ահա թէ ինչու մարդուս մէջ թուլացել է ստեղծագործող ոգին...: Ոմանք կոյրզկուբայն որոնում են մի բան, որը մտքին թե տալով՝ վերականգնէր մարդուս հաւատը դէպի իր անձը: Յաճախ գնում են ոչ այն կողմը, որտեղ է յաւիտենականը, մարդկանց միացնողը. որտեղ է Աստուած...: Որոնք վրիպում են դէպի ճշմարտութիւնը տանող ճանապարհների մէջ, — կորչում են: Թող կորչին, պէտք չէ նրանց խանդարել. չարժէ նրանց ափսոսալ — մարդ՝ շատ: Կարևոր է ձգտումը՝ կարևոր է հոգու իղձը — գտնել Աստուծուն. և եթէ կեանքի մէջ կլինեն հոգիներ՝ լի տենչանքով առ Աստուած, նա կլինի նրանց հետ և կկենդանացնէ նրանց. որովհետև նա անվերջ ձգտումն է դէպի կատարելութիւնը... Այդպէս է:

— Այն, ասացի ևս. — այդ այդպէս է...

— Սակայն դու գիտես համաձայնել. — նկատեց խօսակիցս կծու քմծիծաղ տալով: Յետոյ նա լռեց՝ հեռուն նայելով: Ինձ թուաց թէ նա երկար է լուում, և ես անհամբեր անքաշեցի: Այն ժամանակ նա ինձ չուղղելով իր հայեացքը, որ թափառում էր հեռուն, հարցրեց.

— Ո՞վ է քո Աստուածը:

Մինչև այս հարցը նա խօսում էր մեղմօրէն և քաղցրութեամբ, ու ինձ հաճելի էր նրան լսելը. ինչպէս բոլոր մտածող մարդիկ՝ նա մի քիչ տխուր էր, մօտիկ էր իմ սրտին. ես նրան հասկանում էի, և իմ շփոթմունքս անհետանում էր: Եւ ահա յանկարծ նա դնում է վճռական մի հարց, որին այնքան դժուար է պատասխանել մեր ժամանակի մարդուն, եթէ այդ մարդն ազնուաբար է վերաբերում իրան: Ո՞վ է իմ Աստուածը. երանի՜ թէ գիտենայի այդ:

Ես ընկճուած էի այդ մարդու հարցից. և ո՞վ իմ տեղը կպահպանէր հոգու սրբութիւն: Իսկ նա նայում էր ինձ իր սուր աչքերով, շարունակ ժպտում էր և սպասում էր պատասխանիս:

— Դու լսում ես շատ երկար՝ իբրև մի մարդ, որ կարող էր ինձ պատասխան տալ: Կարելի է, դու ասես ինձ որևէ բան, եթէ ես քեզ հարցնեմ ահա թէ ինչ. դու գրում ես, և հազարաւոր մարդիկ կարդում են. ախր իսկապէս դու ի՞նչ ես քարոզում: Եւ դու մտածել ես, թէ արդեօք դու իրաւունք ունի՞ս սովորեցնելու:

Կեանքիս մէջ առաջին անգամ այսպէս ուշիուշով նայում էի իմ խորքը: Թող չմտածեն, թէ ես բարձրացնում կամ ստորացնում եմ ինձ նրա համար, որ մարդկանց ուշքը գրաւեմ դէպի ինձ, — աղքատից ողորմութիւն չեն խնդրել: Ես գտայ ինձանում շատ բարի զգացմունքներ և իղձեր, շատ բան, որ սովորաբար կոչւում է լաւ, բայց այս բոլորը շարժապող զգացմունք, կեանքի բոլոր երևոյթներն ամփոփող կարգաւորեալ և պայծառ միտք — ես չգտայ ինձանում: Հոգուս խորքում շատ ատելութիւն կայ. նա շարունակ փտում է այնտեղ... երբեմն բռնկում է բարկութեան վառ կը-

բակով, բայց աւելի շատ կասկածներ կան այնտեղ: Նրանք երբեմն այնպէս են ցնցում միտքս, այնպէս են ճնշում սիրտս, որ երկար ժամանակ ես լինում եմ ի ներքուստ խորտակուած... Ոչինչ չի գրգռում ինձ ապրելու. սիրտս սառն է՝ ինչպէս մեռած. միտքս թմրում է. իսկ երեակայութիւնս ճնշում է մզձաւանջը (կօշըմար): Եւ այնպէս, որպէս կոյր և յամբ՝ ապրում եմ ես երկար օրեր և գիշերներ՝ ոչինչ չցանկանալով, ոչինչ չհասկանալով. այն ժամանակ ինձ թւում է, որ ես արգէն երակ եմ և միայն տարօրինակ թիւրիմացութեամբ դեռ եւ թաղուած չեմ: Այսպիսի գոյութեան սարսափն աւելի ևս սաստկանում է ապրելու անհրաժեշտութեան գիտակցութեամբ, որովհետեւ մահուան մէջ աւելի քիչ իմաստ կայ, աւելի շատ—խաւար... Հաւանական է, նա խլում է նոյն իսկ ուտելու հաճոյքը...

Ի՞նչ եմ քարոզում ես իսկապէս, ես—ինչպէս կամ: Եւ ի՞նչ կարող եմ ասել մարդկանց: Այն, ինչ որ արգէն վաղուց ասել են նրանց և միշտ ստում են. ինչ որ գտնում է լսողներ, բայց մարդկանց լաւ չի դարձնում: Բայց իրաւունք ունի՞մ արդեօք քարոզելու այդ գաղափարները և մտքերը, երբ ինքս նրանցով դատախարակուած լինելով՝ յաճախ վարւում եմ ոչ այնպէս, ինչպէս նրանք թելադրում են: Եթէ ես նրանց հակառակ եմ գնում, այս նշանակում է արդեօք, թէ նրանց ճշմարիտ լինելու գաղափարն է իմ անկեղծ համոզմունքը, որ իմ եսի հիմքն է կազմում: Արդ, ի՞նչ պատասխանեմ, այս մարդուն, որ նստած է իմ կողքին: Այն—ինչ նա արդէն յոգնեց պատասխանիս սպասելով և նորից խօսեց.

—Ես չէի դնիլ այս հարցերը, եթէ չտեսնէի, որ քո փառասիրութիւնը դեռ չէ կարողացել ոչնչացնել քո

պատիւը: Դու քաջութիւն ունիս ինձ լսելու... դրանից եզրակացնում եմ, որ քո սէրը դէպի քո անձը խելացի է, որովհետեւ նրան զօրացնելու համար դու չես փախչում նոյն իսկ տանջանքից: Դրա փոխարէն ես կըթեթեացնեմ քո դրութիւնն իմ առաջ և կխօսեմ քեզ հետ՝ իբրև զանցառուի, և ոչ յանցաւորի հետ:

—Մի ժամանակ մեր մէջ ապրում էին խօսքի մեծ վարպետներ, կեանքը և մարգկային հոգին ճանաչողներ, մարդիկ, որոնք ներշնչուած էին կեանքը բարեշրջելու անզուսպ ձգտումով, որոնք համակուած էին խոր հաւատով դէպի մարդը. Նրանք յօրինում էին գրքեր, որոնց երբէք չի մերձենալ մոռացութիւնը. որովհետեւ նրանց մէջ տալաւորուած են յաւիտենական ճշմարտութիւններ, նրանց էջերից բուրում է անթառամ դեղեցկութիւն: Այդ գրքերի մէջ գծազրած տիպարները կենդանի են, որովհետեւ հոգի են առած ոգեւորութեան ուժով. իսկ վարվողութեան օրինակները և կեանքի կանոնները կմնան յաւիտեանս անսասան: Այդ գրքերի մէջ կայ և՛ արիութիւն, և՛ բորբոքուող բարկութիւն. նրանց մէջ հնչում է ազատ, անկեղծ սէրը, և ոչ մի աւելորդ բառ չկայ նրանց մէջ: Գիտեմ, այնտեղից ես ստացել քո հոգու մնունդը...: Բայց, երևի, հոգիդ վատ է սնունդուել, որովհետեւ քո խօսքերը ճշմարտութեան և սիրոյ մասին հնչում են կեղծ և շողոմ. կարծես, բռնանում ես քեզ վրայ, երբ խօսում ես այդ մասին: Դու, ինչպէս լուսինը, ուրիշի լուսով ես լուսաւորում. քո լոյսը նսեմ, աղօտ է. նա շատ ստուեր է ծնում, սակայն թոյլ է լուսաւորում և ոչ ոքի չի ջերմացնում: Մարդկանց, յիբաւի, արժէքաւոր մի բան տալու համար դու աղքատ ես. իսկ այն, ինչ որ դու տալիս ես, տալիս ես ոչ թէ մտքի և խօսքի գեղեցկութեամբ կեանքը հարստացնե-

լու վսեմ հաճոյքից, այլ աւելի քո գոյութեան պատահական փաստը մարդկանց անհրաժեշտ երևոյթներէ շարքը դասելու համար: Դու տալիս ես նրա համար, որ աւելին ստանաս կեանքից և մարդկանցից: Դու մուրացկան ես ընծայ տալու համար, դու ուզողակի վաշխառու ես—քո փորձառութեան փշրանքը տալիս ես դէպի քեզ եղած ուշադրութեան տօկոտով: Գրիչդ անզօր փորփրում է իրականութիւնը, կամացուկ խառնդտում է կեանքի մանր երևոյթները և նկարագրելով սովորական մարդկանց առօրեայ զգացմունքները, դու բաց ես անում նրանց մտքի առաջ գուցէ և շատ ստոր ճշմարտութիւններ. բայց կարճ ես արդեօք նրանց համար ստեղծել թէկուզ մի փոքրիկ՝ հոգին վսեմացնող պատրանք... Ո՛չ: Դու հաւատացած ես, որ օգտաւէտ բան է առօրեայ կեանքի տիղմը քրքրելը և նրանց մէջ ոչինչ չգտնելը, բացի տխուր աննշան ճշմարտութիւնները, որոնք հաստատում են միայն այն, թէ մարդս չար է, յիմար, պատուազուրկ, որ նա լիովին և միշտ կախուած է անթիւ արտաքին պայմաններից, որ նա անզօր է և ողորմելի, մենակ է և ինքն ըստ ինքեան: Գիտես, դու թերևս արդէն կարողացել ես համոզել նրան այս բանում: Որովհետև նրա հոգին պաղած է և միտքը բութ... Ո՞նց չէ: Նա գրքերիդ մէջ տեսնում է իբր պատկերը. իսկ գրքերը—մանաւանդ եթէ նրանք գրուած են այն համոզուած եղանակով, որն այնպէս յաճախ դուք տաղանդի տեղ էք դնում—միշտ որոշ չափով հիպնոսացնում է մարդուն: Գո նկարագրի մէջ նա նայում է իր վրայ և տեսնելով՝ ինչքան վատթար է ինքը, չի գտնում աւելի լաւ լինելու հնարաւորութիւն: Մի՞թէ դու կարող ես ցոյց տալ նրան այդ հնարաւորութիւնը: Մի՞թէ դու կարող ես այս անել, երբ դու ինքդ... Բայց ես կխնայ-

եմ քեզ նրա համար, որ դու ինձ լսելով,—զգում եմ—չես մտածում այն մասին, թէ ինչպէս ինձ հակաճառես և քեզ արդարացնես: Այդպէս: Որովհետև ուսուցիչը, եթէ նա ազնիւ է, միշտ պիտի լինի ուշադիր աշակերտ: Դուք ամենքդ, կեանքի արդի ուսուցիչներ, աւելի շատ խլում էք մարդկանցից, քան թէ տալիս էք նրանց. որովհետև դուք շարունակ թերութիւնների մասին էք խօսում, միայն այդ էք տեսնում: Սակայն մարդուս մէջ պէտք է որ լինի և արժանիք. չէ՞ որ ձեզանում կայ, իսկ դուք, դուք ինչով էք զանազանում սովորական անգոյն մարդկանցից, որոնց նկարագրում էք այնպէս խստասիրտ և բծախնդիր կերպով՝ ձեզ համարելով առաքինութեան յաղթանակի քարոզիչներ, արատ մերկացնողներ: Սակայն արդեօք դուք նկատում էք, որ առաքինութիւնն ու արատը՝ դրանց որոշելու համար գործ դրած ձեր ջանքերի շնորհիւ, լոկ խճճուած են, ինչպէս սև ու սպիտակ թելի երկու կծիկ, որոնք մերձաւորութիւնից դարձան թխազոյն, իրարից ընդունելով սկզբնական գոյնի մի մասը: Եւ դժուար թէ Աստուած ձեզ ուղարկեց երկրիս վրայ... Նա կընտրէր աւելի կարող անձինք, քան դուք էք: Նա կվառէր նրանց սիրտը դէպի կեանքը, ճշմարտութիւնը և մարդիկ տաճած բուն սիրոյ բոցով, և նրանք կայրուէին մեր գոյութեան խաւարի մէջ, ինչպէս Նրա զօրութեան և փառքի ճրագներ... Իսկ դուք ծուխ էք արձակում, ինչպէս սատանի յաղթանակի կերտներ, և ձեր ծուխը՝ թափանցելով մտքերը և հոգիները, թունաւորում է նրանց անխտահարութեան թոյնով: Աստ ի՞նչ էք սովորեցնում դուք:

Այտիս վրայ զգում էի այս մարդոց ջերմ շնչատութիւնը և չէի նայում նրա վրայ, վախենալով հան-

գիպել նրա հայեացքին: Նրա խօսքերն ընկնում էին ուղեղիս՝ ինչպէս հրեղէն կաթիլներ, և դրանից ցաւ էի գգում... Ես ստակալով հասկանում էի, որքան դժուար է պատասխանել այդ պարզ հարցերին... ու չպատասխանեցի նրան:

— Եւ այսպէս, ես, փութաջան ընթերցողս այն ամենի, որ գուռ եւ դու, և որ գրում են քեզպէսները, հարցնում եմ. ինչի՞ համար էք գրում դուք: Եւ շատ էլ գրում էք... Մարդկանց սրտերի մէջ կամենում էք բարի զգացմունքներ գարթեցնել: Սակայն սառն և անզօր խօսքերով դուք այդ չէք կարող անել. երբէք: Եւ դուք ոչ միայն չէք կարող տալ կեանքին որեւէ նոր բան, դուք եղածն էլ տալիս էք տրորտած, ճմլած և կերպարանքից դձած ձևով: Ձեր երկերը կարդալով՝ մարդ ոչինչ չի սովորել, ոչընչից չի ամաչիլ, ձեր փոխարէն կամաչի: Շարունակ առօրեայ երևոյթներ, հասարակ մարդիկ, առօրեայ մտքեր, եղելութիւններ...: Հապա երբ պիտի խօսին խոռված ոգու մասին, ոգու վերածնութեան անհրաժեշտութեան մասին: Ո՞ւր է հրաւերը դէպի կեանքի ստեղծագործութիւնը, ո՞ւր են արիութեան դասերը, ո՞ւր են խոր խրոխտ խօսքերը, որոնք թև են տալիս հոգուն:

... — Դու կարող ես ինձ ասել, որ կեանքը չի տալիս ուրիշ տիպարներ, բացի նրանից, որոնց վերարտադրում ենք մենք: Այդպէս մի ասիր, որովհետև խօսքի վարպետ լինելու երջանկութիւնն ունեցող մարդուն ամօթ և նախատինք է խոստովանել իր անզօրութիւնը կեանքի առաջ և այն, որ նա չի կարող բարձր կանգնել նրանից: Իսկ եթէ դու կեանքի հետ միեւնոյն մակերևոյթի վրայ ես կանգնած, եթէ դու երեակայութեանդ ուժով չես կարողանում ստեղծել տիպարներ,

որոնք չըկան կեանքի մէջ, սակայն անհրաժեշտ են նրան խրատելու համար, — ի՞նչ շահ քո աշխատանքից, և ինչո՞վ կարդարացնես կոչումդ: Մարդկանց ուշքն ու միտքը ծանրաբեռնելով աղքատ կեանքի լուսանկարչական վերարտադրութեան աղբով, մի մտածի՛ր, արդեօք մարդկանց չէ՞ս վնասում: Որովհետև, խոստովանի՛ր, դու չես կարողանում նկարագրել այնպէս, որ կեանքի քո տուած պատկերը մարդուս մէջ զարթեցնէ՛ր քինախնդիր ամօթանք և գոյութեան նոր ձևեր ստեղծելու այրող ցանկութիւն... Կարո՞ղ ես արագացնել կեանքի զարկերակը, կարո՞ղ ես նրան եռանդ ներշնչել, ինչպէս այդ անում էին ուրիշները:

Տարօրինակ խօսակիցս մի բոլորէ կանգ առաւ. իսկ ես լուս մտածում էի նրա խօսքերի մասին:

— Շուրջս տեսնում եմ շատ խելացի մարդիկ, բայց նրանց մէջ քիչ են ազնիւ մարդիկ, և եղածներն էլ ընկճուած են և հոգով հիւանդ: Եւ չգիտեմ ինչո՞ւ. միշտ այսպէս եմ տեսնում, որքան լաւ է մարդս, որքան անբիծ և ազնիւ է նրա հոգին, այնքան պակաս է նրա մէջ եռանդը, այնքան նա հիւանդոտ է, և այնքան ծանր է նրան ապրելը: Միայնութիւն և թախիծ — ահա նրան վիճակը: Սակայն որքան էլ շատ լինի նրանց մէջ լաւագոյնի տենչանքը, չկայ նրան ստեղծելու կարողութիւն: Արդեօք նրա համար չէ՞ն նրանք այդպէս ընկճուած և խղճալի, որ նրանց ժամանակին օգնութիւն չէ տրուած հոգին քաջալերող խօսքով...

— Եւ յետոյ — նորից խօսեց տարօրինակ զրուցակիցս, — կարո՞ղ ես զարթեցնել մարդու մէջ կենսալից ծիծաղ, որ թարմացնում է հոգին: Տես, ախր մարդիկ բոլորովին մոռացել են կուշտ ծիծաղել: Նրանք ծիծաղում են չարախնդութեամբ, ծիծաղում են ոտորու-



թեամբ, յաճախ ծիծաղում են արտասուելով, բայց երբէք չես լսիլ նրանց մէջ բերկրալից անկեղծ ծիծաղ, որ ցնցեր մեծերի կուրծքը. որովհետև լաւ ծիծաղը առողջացնում է հոգին... Մարդուս անհրաժեշտ է ծիծաղելը.—չէ որ ծիծաղը նրա սակաւաթիւ առաւելութիւններից մէկն է կենդանիների վերաբերմամբ: Կանոնը ես զարթեցնել մարդկանց մէջ որևէ ուրիշ ծիծաղ, բացի նախատինքի ծիծաղը, բացի անկարգ ծիծաղը, որ ուղղուած է քեզ, որ ուղղուած է մարդուն, որ միայն նըբարողելու իրաւունքը պէտք է ունենայ բաւականաչափ հիմք՝ քո ընդունակութեան մէջ—մարդկանց մէջ անկեղծ զգացմունքներ զարթեցնել, որոնցով, ինչպէս մուրճերով՝ պէտք է ջախջախուին ու կործանուին կեանքի մի քանի ձևերը նրա համար, որ ստեղծուին ուրիշ աւելի ազատ ձևեր՝ կծկուածների փոխարէն: Բարկութիւն, ատելութիւն, արիութիւն, ամօթ, զղուանք և, վերջապէս, կատաղի յուսահատութիւն—անա այն չժակները, որոնցով կարելի է ամեն ինչ քանդել երկրիս վրայ: Կարո՞ղ ես ստեղծել այդպիսի լժակներ: Կարո՞ղ ես նրանց շարժել: Ժողովրդին խօսելու իրաւունք ունենալու համար հարկաւոր է հոգու խորքում կրել կամ մեծ ատելութիւն դէպի նրա պակասութիւնները, կամ մեծ սէր դէպի նա՝ նրա տանջանքների համար: Իսկ եթէ հոգուդ մէջ չկան այդ զգացմունքները, համեստ եղիր և մի բան ատելուց առաջ շատ մի մտածիր...

Արդէն լոյսը բացուում էր, սակայն հոգուս մէջ աւելի ու աւելի թանձրանում էր խաւարը: Իսկ մարդը, որից իմ հոգին գաղտնիք չունէր, հա խօսում էր: Երբեմն մտքովս անցնում էր.

—Արդեօք մարդ է սա.

Բայց նրա խօսքերից տարուած՝ ևս չկարողացայ մտածել այդ հանելուկի մասին, և նորից նրա խօսքերն ինչպէս ասեղ, ուղեղս էին խրուում:

—Սակայն և այնպէս կեանքն աճում է և լայնութեամբ ու խորութեամբ, թէպէտ և նա աճում է դանդաղ, որովհետև դուք ոյժ ու կարողութիւն չունիք նրա շարժումն արագացնելու: Աճում է կեանքը, և օր աւուր մարդիկ սովորում են հարցնել: Ո՞վ պէտք է պատասխան տայ նրանց: Դուք պէտք է տայիք, ինքնակոչ առաքեալներ: Սակայն այնքան հասկանում էք դուք կեանքը, որ բացատրէք ուրիշներին: Արդեօք հասկանում էք դուք ձեր ժամանակի պահանջները, նախազգում էք ապագան, և դուք ի՞նչ կարող էք ասել կեանքի վատթարութիւնից նեխուած՝ վհատուած մարդուն սթափեցնելու համար: Նա վհատուած է, նրա հետաքրքրութիւնը դէպի կեանքը ստոր է. նրանում կտրուում է արժանապատուութեամբ ապրելու ցանկութիւնը. նա պարզապէս ուղում է ապրել իբրև խուլ—լսում էք—նա արդէն լըբաբար ծիծաղում է, երբ արտասանում են իդէալ խօսքը. մարդս դառնում է մտով և հաստ կաշուով ծածկուած ոսկրների կոյտ. այդ գարշելի կոյտը շարժում է ոչ թէ ոգին, այլ տուփանքը: Նա ուշադրութիւն է պահանջում—շո՛ւտ, օգնեցէք նրան ապրելու, քանի դեռ մարդ է: Բայց դուք ի՞նչ կարող էք անել նրանում կեանքի ծարաւ զարթեցնելու համար, երբ միայն հալումաճ էք լինում: հառաչում, ախ քաշում, կամ անտարբեր նկարագրում էք, ինչպէս նա լուծւում է: Կեանքի մթնոլորտում տիրում է քայքայման գաւշահոտութիւն. երկաշոտութիւնը, ստրկութիւնը մնունդ է տալիս սրտին, ծուլութիւնը փափուկ կապանքներ է

դնում մտքին և ձեռքերին... Ի՞նչ էք մտցնում դուք այս գարշելի քաօսի մէջ: Ո՛րքան չնչին էք դուք ամենքըդ, սրբան ողորմելի և սրբան շատ: Օ՛, երանի՛ թէ յայտնուէր գաժան և սիրող մի մարդ՝ այրուած սրտով և հզօր, անհուն խելքով: Ամօթարեր լուսթեան խեղդող միթնորոտում կհնչէր մարգարէական խօսքը՝ ինչպէս դանգի հարուածը, և, կարելի է, ցնցուէին կենդանի մեռեալներ ի անարժան հոգիները...

Այս խօսքերից յետոյ նա երկար լռեց: Ես նրան չէի նայում: Չեմ յիշում ինձանում ինչ էր աւելի—ամօթը, թէ՞ սարսափը:

— Ի՞նչ կարող ես անել ինձ:—հնչեց անտարբեր հարցը:

— Առայժմ—ոչինչ,—պատասխանեցի ես:

Ու դարձեալ լուսթիւն:

— Իսկ ինչպէս պիտի ապրես դու այժմ:

— Չգիտեմ առայժմ...—պատասխանեցի ես:

— Ի՞նչ պիտի խօսես:

Ես լռեցի:

— Լուսթիւնից բարձր իմաստութիւն չկայ:

Տաժանելի էր լուսթիւնն այս խօսքերից յետոյ մինչև ծիծաղը, որ հնչեց ապա: Նա ծիծաղում էր մեծ հաճոյքով, ինչպէս մի մարդ, որ վաղուց է առիթ չէր ունեցած այսպէս թեթև խորթելի ծիծաղելու: Միտտս արիւն էր տալիս այդ անիծուած ծիծաղից:

— Խէ, խէ, խէ: Եւ դու կեանքի ուսուցիչ ես: Դու, որին այնպէս դիւրին է շփոթուելը: Այժմ, կարծեմ, հասկացար՝ ո՞վ եմ ես. չէ՞, խէ, խէ, խէ... Եւ իւրաքանչիւրը ձեզանից՝ ձեր ծնած երիտասարդներից, հէնց այդպէս կշփոթուէր, եթէ կամենար ինձ հետ գործ ունենալ: Միայն նա, ով պատել է իրանստութեան, լըր-

բութեան և անամօթութեան զրահով, չի դողայ իմ խղճի դատաստանի առաջ... Ահա թէ որչափ զօրեղ ես դու. մի ցնցում—և դու ընկնում ես: Ասան, դէ՛հ ասան ինձ մի որ և է բան քեզ արդարացնելու համար: Հերքիր, ինչ որ ասացի: Ազատիր սիրտդ ամօթից և ցաւից: Գոնէ մի բոպէ եղիր հզօր ու անձիդ վստահ, և ես յետ կառնեմ այն, ինչ որ երեսովդ տուի: Ես քեզ կխոնարհիմ... Քո հոգու մէջ ցոյց տուր ինձ գէթ մի այնպիսի բան, որ օգնէր ինձ քեզ ուսուցիչ ճանաչել: Ինձ հարկաւոր է ուսուցիչ, որովհետև ես մարդ եմ. ես մոռորուած եմ կեանքի խաւարի մէջ և ելք եմ միտրում գէպի լոյս, գէպի ճշմարիտը, գեղեցիկը, գէպի նոր կեանք. ցոյց տուր ինձ ճանապարհը: Ես մարդ եմ: Ատիր ինձ, ձեծիր, բայց հանիր ինձ գէպի կեանքըն ունեցած իմ անտարբերութեան տղմից: Կամենում եմ աւելի լաւ լինել, քան եմ.—ի՞նչ անեմ: Սովորեցրո՛ւ.

Ես մտածում էի. կարող եմ, արդեօք, կարող եմ բաւարարութիւն տալ այն պահանջներին, որ մարզը իրաւունքով յայտնում է ինձ: Կեանքը հանգչում է, անթիւ կասկածներն աւելի ու աւելի պինդ պաշարում են մարդու միտքը, և հարկաւոր է ելք գտնել: Ո՛ւր է ճանապարհը: Մի բան գիտեմ—երջանկութեան չէ հարկաւոր ձգտել. ինչի՞ համար է երջանկութիւնը: Երջանկութեան մէջ չէ կեանքի իմաստը. և նրանից գո՛հ լինելով չի բաւականայ մարդս. նա այսպէս թէ այնպէս բարձր է դրանից: Կեանքի իմաստը նպատակին ձգտելու գեղեցկութեան և զօրութեան մէջ է. և պէտք է գոյութեան ամեն մի վայրկեանը ունենայ իր բարձր նպատակը: Այդ կարելի կլինէր... Բայց ոչ կեանքի հին շրջանակներ իմէջ, ուր ամենքի համար այնպէս նեղ է, և ուր չկայ ազատութիւն մարդկային ոգուն...

Ու նա դարձեալ ծիծաղում էր, բայց արդէն հանդարտ, այնպիսի մարդու ծածաղով, որի սիրտը մաշուած է մտածմունքից:

—Ո՛րքան շատ մարդիկ են եկել—գնացել աշխարհիս վրայ, բայց սրբան քիչ արձաններ են կակղնեցրած մարդկանց յիշատակին: Այդ ի՞նչ պատճառով: Բայց նզովք անցեալին—նա չափազանց շատ նախանձ է դարթեցնում զէպի ինքը: Որովհետև ներկայումս ամենկին չկան այնպիսի մարդիկ, որոնք մահուանից յետոյ թողնէին որ և է հետք երկրիս վրայ: Թ՛մբում է մարդը... և— ոչ ոք չի սթափեցնում նրան: Թ՛մբում է նա և—դառնում է անասուն: Խարազան է հարկաւոր նրան և սիրոյ Չերմագին փաղաքշանք՝ խարազանի հարուածից յետոյ: Մի վախենար նրան ցաւեցնելուց. եթէ սիրելով հարուածես, նա կհասկանայ քո հարուածը և կընդունէ նրան՝ իբրև արժանի: Իսկ երբ նա ցաւ զգայ և ամաչէ, ՉերմաՉերմ գուրգուրէր նրան—և նա կվերածնի... Մարդիկ: Սրանք դեռ էլի երեխաներ են, թէպէտ և երբեմն սարսեցնում են մարդու իրանց չարագործութեամբ և մտքի այլանդակութեամբ: Ու նրանք միշտ կարէք ունին սիրոյ և մշտական հոգացողութեան նրանց հոգու թարմ և առողջ աննդի մասին...: Իսկ զու մարդկանց սիրել զիտէս:

—Մարդկանց սիրել, —հարցը կրկնեցի տարակուսանքով, որովհետև, ճշմարիտ, չգիտեմ, արդեօք սիրում եմ մարդկանց: Պէտք է անկեղծ լինել—ես այդ չգիտեմ: Ո՞վ կասի իր մասին... Ահա ես սիրում եմ մարդկանց: Մարդս, եթէ ուշիուշով հեռուում է ինքն իրան, երկար կմտածէ այդ հարցի մասին, նախ քան վճռէ ասել - սիրում եմ: Ամենքը գիտեն, սրբան հեռու է մեզից իւրաքանչիւրը իր մերձաւորից:

—Դու լռում ես: Միևնոյն է—ես քեզ հասկանում եմ և լռելիայն... Ու գնում եմ...

—Արդէ՛ն.—կամաց հարցրի ես: Որովհետև որքան էլ նա ինձ համար սարսափելի էր, ես ինքս ինձ համար աւելի սարսափելի էի...

—Այն, գնում եմ... Դեռ շատ անգամ ես կգամ քեզ ձօռ: Սպասիր:

Եւ նա գնաց:

Ի՞նչպէս գնաց: Ես այդ չնկատեցի: Նա արագ և անձայն գնաց, ինչպէս անհետանում են ստուերները... Իսկ ես դեռ երկար մնացի պարտիզում՝ նստարանի վրայ—դրսից ցուրտ չզգալով և չնկատելով, որ արդէն արևը ծագեց և նրա ճառագայթները պայծառ փայլում են ծառերի սառոյց կտրած ճիւղերի վրայ: Ինձ տարօրինակ էր թւում տեսնել պայծառ օրը և արևը, որ փայլում էր անտարբեր, ինչպէս միշտ, և այս ծեր բազմաշարժար երկիրը, որ հագած էր արևի ճառագայթների տակ շրացուցիչ կերպով պէժին տուող ձիւնի ծածկոյթը...

1898



## ՏԱՓԱՍՏԱՆՈՒՄ.

... Պերեկոպից դուրս եկանք ամենավատ տրամադրութեան տակ—գայլի պէս քաղցած և ողջ աշխարհի դէմ չարացած: Ամբողջ օրն ի վուր գործ դրինք մեր բոլոր շնորհքն ու ջանքերը, որ մի բան գողանայինք կամ վաստակէինք. և երբ, վերջապէս, համոզուեցինք, որ ոչ այս և ոչ այն չի յաջողում, վճռեցինք գնալ հետու: Ո՞ւր: Առհասարակ—հետու:

Մենք պատրաստ էինք ամեն տեսակէտից հեռուն գնալ կեանքի այն շաւիղով, որ վաղուց արդէն մեզ վիճակուած էր,—մեզանից ամեն մէկը լռելիայն այսպէս էր որոշել և այդ պարզ արտայայտում էր մեր նուազած աչքերի մուսլ փայլով:

Երեք հոգի էինք. քիչ առաջ ծանօթացանք, երբ իրար հանդիպեցինք Խերսոն քաղաքում՝ Դնեպրի ափին գտնուող մի գինետան մէջ:

Մեզանից մէկը երկաթուղային բատալիօնի զինուոր էր եղել, իսկ յետոյ՝ իբր թէ Լեհաստանի ճանապարհներից մէկի վրայ վարպետ. շիկակարմիր մազերով, պինդ մկաններով մի մարդ էր՝ պողած մոխրագոյն աչքերով. գերամաներէն խօսել գիտէր և շատ լաւ տեղեակ էր բանտային կեանքին:

Մեր կարգի մարդիկ չեն սիրում իրանց անցեալի

մասին շատ խօսել, և դրա համար միշտ ունեն աւելի կամ պակաս հիմնաւոր պատճառ. ուստի և մենք հաւատում էինք իրար.—գոնէ արտաքուստ հաւատում էինք, որովհետև ներքուստ մեզանից ամեն մէկը հէնց իրեն չէր հաւատում:

Երբ մեր երկրորդ ընկերը, որ մի չորչորիկ ու փոքրիկ մարդուկ էր՝ նուրբ և միշտ սկեսպտիկաբար ծալած շրթունքներով, իր մասին ասում էր, որ ինքը Մոսկվայի համալսարանի նախկին ուսանող էր,—ես և զինուորն այդ ընդունում էինք իբրև իրողութիւն: Իսկապէս մեզ համար բոլորովին միևնոյն էր, ուսանող էր եղել նա երբեմն, խուզարկու ոստիկան, թէ՞ գող,—էականն այն էր միայն, որ մեր ծանօթութեան բոսկէին նա մեզ հաւասար էր,—քաղցած էր, քաղաքներում ոստիկանութեան առանձին ուշադրութեան՝ իսկ գիւղերում շինականների կասկածաւոր վերաբերմունքի առարկայ էր, ատելով ատում էր և՛ ոստիկաններին, և՛ գիւղացիներին հալածուած և քաղցած գազանի անզօր ատելութեամբ, երազում էր մի համաշխարհային վրէժխնդրութիւն ամենքից և ամեն բանից—մի խօսքով, և՛ բնութեան թագաւորների, և՛ կեանքի վեհապետների մէջ բռնած իր դիրքով, և՛ իր տրամագրութեամբ—մեզանից էր. մէկ սանրի կտաւ էինք:

Երրորդը ես էի: Մանկութիւնից ինձ յատուկ համեատութիւնից զրդուած՝ ոչ մի խօսք չիմ ասիլ իմ արժանիքների մասին և, չկամենալով պարզամիտ երեւալ, չեմ խօսիլ պակասութիւններիս մասին: Սակայն, կուղէք, իբրև իմ բնաւորութեան նկարագրութեան նիւթ՝ կասեմ, որ միշտ ես ինձ ուրիշներից լաւ եմ համարել և այժմ այդպէս էլ համարում եմ:

Եւ այսպէս մենք դուրս եկանք Պերեկոպից և գնում

էինք՝ այդ օրուայ համար յոյս դնելով չօրանների վրայ, որոնցից միշտ կարելի է հաց խնդրել, և որոնք, շատ սակաւ է պատահում, որ մերժեն անցորդներին:

Ես գնում էի զինուորի հետ. «ուսանողը» քայլում էր մեր յետևից: Նրա ուսից կախուած էր պիշակ յիշեցնող մի բան. սրածայր, անճոռնի և տակից խուզած գլուխը ծածկած էր լայնեզր գլխարկի մնացորդով: Գոյնզգոյն կարկատաններով ծածկուած մոխրագոյն անդրավարտիքը պատում էր նրա բարակ ոտիկները, իսկ նրբաններին յարմարացրել էր իր հագուստի աստանից ոլորած կապերով՝ ճանապարհին գտած կօշիկի ձիտքը, որ նա անուանեց սանդալներ, ու քայլում էր՝ շատ փոշի բարձրացնելով և կանաչաուռն փոքրիկ աշիկները պսպղացնելով: Ձինուորը հագել էր կումաշի կարմիր շապիկ, որ իր ասելով, նա անձամբ ձեռք էր բերել Խերսոսում. շապիկի վրայից կար մի տաք բամբակուռն ժիլէտ ևս. գլխին զրել էր անորոշ գոյնի զինուորական գլխարկ՝ զինուորական կանոնի համաձայն «վերջին շրջանակը ծալած աջ կողմի վրայ»: Ոտների վրայ այս ու այն կողմն էր ճօճուում չումակի լայն անդրաւարտիքը: Նա բորիկ էր:

Ես էլ հագնուած և բորիկ էի:

Մենք գնում էինք. իսկ մեր շուրջը հակայական թափով ամեն կողմ փոռուած էր տափաստանը, ինչպէս մի անագին սև պնակ, և ծածկուած էր ամառային անամպ երկնքի կիզիչ գմբեթով: Տժգոյն, փոշոտ ճանապարհը կտրում էր նրան լայն շերտով և այրում էր մեր ոտքերը: Տեղ-տեղ պատահում էին խոզաններ, որոնք տարօրինակ նմանութիւն ունէին զինուորի վաղուց չածիլած այտերին:

Ձինուորը գնում էր և խոպոտ բասով երգում.

... —Եւ զսուրբ գյարութիւնդ Բո փառաւորեմք...  
Ծառայութեան ժամանակ բատալիոնի եկեղեցում նա կատարում էր սարկաւազի պաշտօնի պէս մի բան և գիտէր անթիւ ու անհամար տաղեր, սկսուածքներ և օրհներգներ, և իր այդ գիտութիւնն ի չարն էր գործ դնում ամեն անգամ, երբ մեր խօսակցութիւնը որևէ պատճառով իրար չէր բռնում:

Առջևը, հորիզոնի վրայ հեռզհեռէ երևում էին նուրբ գծագրութեամբ ձևեր հաճելի գոյներով՝ բաց մանիշակագոյնից սկսած մինչև նուրբ վարդագոյնը:

—Անշուշտ, Խրիմի սարերը հէնց սրանք են,—ասաց «ուսանողը» սառնութեամբ:

—Սարե՞ր,—բացականչեց զինուորը,—շատ շուտ տեսար սարերը, բարեկամ: Դրանք ամպեր են... ուղղակի ամպեր: Նայիր ինչ տեսակ են—ասես՝ հապալասու թթուաշ լինեն կաթով պատրաստած:

Ես նկատեցի, որ շատ լաւ բան կլինէր, եթէ ամպերն իսկապէս թթուաշից բաղկացած լինէին: Այս անմիջապէս զրգուեց մեր քաղցը—մեր օրուայ չարիքը:

—Ա՛խ, սատանայ,—հայհոյեց զինուորը թքելով,—գոնէ մարդու երես տեսնէինք: Ոչնչ չկայ... էլ ճար չկայ, պէտք է թաթերս ծծենք, ինչպէս արջը ձմեռը...

—Ես ասում էի, որ հարկաւոր է շէն տեղերով գնալ,—խրատական եղանակով յայտնեց «ուսանողը»:

—Ասում էի՛ր,—վրդովուեց զինուորը:—Դէ՛հ, էլ ի՞նչ ուսումնական ես, որ չասես: Ի՞նչ շէն տեղ: Սատանան գիտէ, որտեղ են նրանք:

«Ուսանողը» լուեց շրթունքները ծալելով: Արևը մայր էր մտնում, և հորիզոնի վրայ ամպերը խաղում էին զանազան աննկարագրելի գոյներով: Դաղի և աղի հոտ էր գալիս:

Եւ այդ չոր ու դուրեկան հոտից մեր ախորժակն աւելի գրգռուում էր:

Մի բան ծծում էր ստամոքսը: Դա մի տարօրինակ և անախորժ զգայութիւն էր. թւում էր թէ հիւթերը մարմնի բոլոր մկաններից հետզհետէ գնում են ուր որ է, գոլորշիանում են, և մկանները կորցնում են իրանց կենդանի ճկունութիւնը: Մի ծածկող զօրութիւն տիրում էր բերանի խոռոչը և կոկորդը. գլուխը շմում էր. իսկ աչքերի առաջ հա գալիս-գնում էին խաւար բծեր, որոնք երբեմն մտի ծխացող կտորների, կտր հացի կերպարանք էին ստանում. յիշողութիւնը այդ «անցեալի տեսիլներին, յամր տեսիլներին» տալիս էր համապատասխան հոտ, և այն ժամանակ ստամոքսի մէջ, կարծես, դանակ էր շարժւում:

Բայց և այնպէս մենք գնում էինք իրար հաղորդելով մեր զգայութիւնների նկարագրերը, ուշիուշով նայում էինք չորս կողմը—արդեօք որ և է տեղ հօտ չի՞ երևում, և ականջ դնում—չի՞ լսւում արդեօք Արմեանսիի բազարը մրգեղէն տանող թաթարի արարայի ճռնչիւնը:

Սակայն պատասխանը ամայի և անմոռնչ էր:

Նախնիքաց օրը մենք երեքով կերանք չորս գրուանքայ հաճարի հաց և հինգ ձմերուկ, այնինչ մօտ քառասուն վերստ ճանապարհ կտրեցինք—մուտքին անհամապատասխան ելք—և Պերեկօպի շուկայի հրապարակի վրայ քնելով՝ քաղցածութիւնից զարթնեցինք:

«Ուսանողը» իրաւացի կերպով մեզ խորհուրդ չէր տալիս պառկել քնելու, այլ առաջարկում էր գիշերուայ ընթացքում զբաղուել... սակայն կանոնաւոր հասարակութեան մէջ ընդունուած չէ լսելի ձայնով խօսել սեփականութեան իրաւունքը խախտելու ծրագրների մա-

սին, ուստի և ես լուում եմ: Ես կամենում եմ լինել միայն շիտակ, և ինձ շահ չկայ կոպիտ լենելուց: Ես գիտեմ, որ մարդիկ մեր բարձր քաղաքակիրթ օրերում սրտով աւելի ու աւելի փափուկ են դառնում և մինչև անգամ՝ երբ բռնում են իրանց մերձաւորի կոկորդը՝ նրան խեղդելու դիտաւորութեամբ,—այդ ժամանակ էլ աշխատում են այդ անել ըստ կարելոյն սիրալիր կեցւով և պահպանելով վայելչութեան բոլոր կանոնները, որոնք այս դէպքում տեղի են: Իմ կոկորդիս վրայ աբաժ փորձը հարկադրում է ինձ մատնանիշ անել բարքերի այս յառաջադիմութեան վրայ, և ես վստահութեան հաճելի զգացմունքով հաստատում եմ, որ այս աշխարհում ամեն բան զարգանում և կատարելագործւում է: Այս նշանաւոր երեւոյթը մասնաւորապէս անհերքելի կերպով հաստատում է տարեց-տարի աճող բանտերով, գիւնտներով և անառականոցներով...

Այսպէս ուրեմն, շարունակ թուք կուլ տալով և բարեկամական խօսակցութեան մէջ աշխատելով խեղդել ստամոքսի տագնապը, մենք գնում էինք ամայի և անմոռնչ դաշտի միջով, գնում էինք վերջալոյսի ոսկեզօծ ճառագայթների ներքոյ՝ լի աղօտ յուսով: Արեւ մայր էր մտնում՝ կամաց իջնելով իր ճառագայթներով առատապէս գունաւորուած ամպերի մէջ. իսկ մեր յետևից և կողքերից կապտադոյն աղջամուղջը՝ հետզհետէ տափաստանից երկինք բարձրանալով՝ փոքրացնում էր մեզ շրջապատող անհամբոյր հորիզոնը:

—Տղերք, խարոյկի համար վառելիք ժողովեցէք.—ասաց զինուորը՝ ճանապարհից մի կոճղ վերցնելով: Հարկ կլինի բացօդեայ գիշերել... շող է: Աթար, ցախ ու մախ—բոլորը վերցրէք:

Մենք ցրուեցինք ճանապարհի շուրջը և սկսեցինք

հաւաքել չոր ցախ և ամեն բան, որ կլխոուի: Ամեն անգամ, երբ հարկաւոր էր լինում կռանալ, բուռն ցանկութիւն էր զարթնում հէնց տեղն ու տեղը գետին ընկնել, անշարժ պառկել և հող ուտել. ուտել սև հիւթալի հողը, շատ ուտել, ուտել մինչև ոյժից ընկնելը և յետոյ քնել, թէկուզ յաւիտեանս քնել, միայն թէ ուտել, ծամել և զգալ, թէ ինչպէս տաք և թանձր շաղախը բերանից կամաց իջնում է կծկուած որկորի միջով քաղցից տոչորուած, կծկուած ստամոքսը, որ մի բան ձծկու ցանկութիւնից այրում է:

— Գոնէ արմտիք գտնէիք...— հառաչեց զինուորը, — կան տեսակ-տեսակ ուտուող արմտիք...

Բայց հերկած սևահողի մէջ արմտիք չկար: Արագ վրայ էր հասնում հարաւային գիշերը, և դեռ չէր հանգել արևի վերջին շողը, որ արդէն մոյգ կապտագոյն երկնակամարի վրայ փայլեցին աստղերը. իսկ մեր շուրջը աւելի ու աւելի թանձրանում էր խաւարը և փոքրացնում տափաստանի անսահման տարածութիւնը...

— Տղերք, — կամաց ասաց «ուսանողը», — այնտեղ՝ ձախ կողմը մարդ է պառկած...

— Մարդ. — կասկածեց զինուորը: — Ինչո՞ւ պիտի այնտեղ պառկած լինի:

— Գնահ հարցրու: Հաւանական է որ նա հաց ունենայ, քանի որ իջել է դաշտի մէջ. — բացատրեց «ուսանողը»: Զինուորը նայեց այն կողմը, որտեղ պառկած էր մարդը՝ վճռողաբար թքելով ասաց.

— Գնանք նրա մօտ:

Միայն «ուսանողի» կանաչաւուն և սրատես աչքերը կարող էին որոշել, որ ճանապարհից յիտուն սաժէն դէպի ձախ երևացող սև դէզը մարդ է: Մենք գը-

նում էինք դէպի նա՝ արագ քայլելով ցիլի կոշտերի վրայով, և զգում էինք, թէ ինչպէս կերակրի նոր ծագած յոյսը սաստկացնում էր քաղցի ցաւերը: Մենք արդէն մօտեցել էինք— մարդը տեղից չէր շարժուած:

— Կարելի է, մարդ չէ, — մուսլ կերպով արտայայտեց զինուորը մեր մտածմունքը:

Սակայն մեր կասկածը հէնց նոյն վայրկեանին փարատուեց. որովհետև յանկարծ դէզը գետնի վրայ շարժուեց, բարձրացաւ, և մենք տեսանք, որ դա իսկապէս կենդանի մարդ է, որ չոգած էր ծնկների վրայ և մեզ էր պարզել ձեռքը:

Ու նա ասում էր մեզ խուլ գողգողացող ձայնով. — Չմօտենաք — կսպանեմ:

Սաւար օդի մէջ հնչեց չոր և կարճ չիկոց: Մենք իսկոյն կանգ առանք և մի քանի վայրկեան լուռ էինք՝ շուարած այս չար հանդիպումից:

— Այ գարշելի մարդ, — շեշտով փնթփնթաց զինուորը:

— Հն — մտախոհ ասաց «ուսանողը». — ատրճանա-կով է ման գալիս... երեի... իւզալի է...

— Է՛յ, — բղաւեց զինուորը՝ անշուշտ ինքն իրան մի բան վճռելով.

Մարդը առանց դիրքը փոխելու՝ լուռ էր:

— Է՛յ, դ՛՛ւ. քեզ ձեռք չենք տալ... միայն հաց տուր մեզ... կունենաս, չէ՞: Տնւր, եղբայր, ի սէր Գրիստոսի... Նզովեմը, անիծուես դու:

Վերջին խօսքերն զինուորն արտասանեց քթի տակ:

Մարդը լուռ էր:

— Լսում ես, — սրտի չարութիւնից և յուսահատութիւնից նորից խօսեց զինուորը. — հաց տուր, հաց: Մենք քեզ չենք մօտենալ... այդ տեղից գցիր...

— Լաւ... — կարճ կտրեց մարդը:

Նա կարող էր մեզ ասել — «Իմ անգին եղբայր»

ներս» և եթէ ներշնչէր այդ երեք քրիստոնէական բա-  
ռերին ամենասուրբ և ամենալսեմ զգացմունք, նրանք  
մեզ այնքան չէին յուզիլ, այնքան չէին մարդացնիլ,  
որքան այդ յամբ և հակիրճ խօսքը.

— Լսու:

— Բարի մարդ, մեզանից մի վախենար,— խօսեց  
զինուորը մեղմաբար, քաղցր ժպիտն երեսին, թէպէտ  
և մարդը չէր կարող տեսնել նրա ժպիտը, որովհետև  
նա մեզանից հետու էր առնուազը քսան քայլ:

— Մենք խաղաղ մարդիկ ենք... Ռուսաստանից  
կուրան ենք գնում... Ճանապարհին փողի նեղութիւն  
ունեցանք, եղած-չեղածը կերանք... իսկ հիմայ, ահա  
երկու օր է, ոչինչ չենք կերել...

— Բռնիր,— ասաց բարի մարդը՝ օդի մէջ թևը  
թափ տալով: Սև գունդը թուաւ-ընկաւ մեզանից ոչ հե-  
ռու՝ վարեխճողի վրայ: «Ուսանողը» վրայ հասաւ:

— Բռնիր, էլի բռնիր, էլ չկայ...

Երբ «ուսանողը» ժողովեց այս տարօրինակ ողոր-  
մութիւնը, դուրս եկաւ, որ մենք ունենք մօտ չորս  
զրուանքայ շոր հաց, որ կեղտոտուած էր հողի մէջ և  
շատ քարթու էր: Չոր հացը աւելի կուշտ կպահէ, քան  
կակուղը. նրա մէջ թացութիւն չկայ:

— Ա՛յ, էս քեզ... էդ ինձ... էս էլ նրան.— ուշքն ու  
միտքը կեղորոնացրած բաժանում էր զինուորը հացի  
կտորները:— Կաց, հաւասար չեղաւ: Քոնից, ուսումնա-  
կան, պէտք է պրկել մի կտոր, թէ չէ նրանը քիչ է...

«Ուսանողը» առանց հակաճառութեան հաշտուեց  
կորցնել իր բաժնից հինգ մսխալի չափ մի կտոր. ես  
ստացայ այդ կտորը և դրի բերանս:

Ու սկսեցի ծամել, կամաց ծամել, հազիւ զսպելով  
ջղաձգարար շարժուող ծնօտներս, որոնք պատրաստ

էին փշրել նոյն իսկ քարը: Ինձ մեծ հաճոյք էր պատ-  
ճառում զգալ որկորիս ջղային ցնցումները և քիչ-քիչ  
բաւարարութիւն տալ նրան: Տաք և անբացատրելի,  
աննկարագրելի համեղ հացը՝ պատառ պատառի յետեից  
իջնում էր ստամոքսը և, թոււմ էր, իսկոյն դառնում  
էր արիւն և ուղեղ: Որչափ լցոււմ էր ստամոքսս, նոյն-  
չափ բերկրութիւնը, տարօրինակ, խաղաղ և կենդա-  
նացնող բերկրութիւնը տիրում էր սրտիս, և իմ ընդ-  
հանուր վիճակս նման էր մի տեսակ թմրութեան: Մո-  
ռացայ պարբերական քաղցի այդ անխճած օրերը, մո-  
ռացայ ընկերներիս, երբ ամբողջովին ամփոփուած էի  
իմ կրած հաճելի զգայութիւնների մէջ:

Սախայն երբ ափիս վրայից հացի վերջին փշրանք-  
ները բերանս նետեցի, զգացի, որ դեռ մահու չափ  
քաղցած եմ:

— Այն անխճածի մօտ խոզի իւղ կամ միս էլ մնա-  
ցած կլինի...— փնթփընթում էր զինուորը՝ դէմ ու դէմս  
գետնի վրայ նստելով և ձեռքերով փորը շփելով:

— Հաւանական է, որովհետև հացից մսի հոտ էր  
զալիս... Դէհ, երևի, հաց էլի կուռնեայ...— ասաց «ու-  
սանողը» և կամաց աւելացրեց.

— Ա՛յ թէ ատրճանակը չէր լինիլ...

— Տեսնես ո՞վ է:

— Երևի, մատաղացու է...

— Շո՛ւն, — կարուկ շեշտով որոշեց զինուորը:

Մենք նստած էինք իրար մօտ և խէթ-խէթ նա-  
յում էինք այն կողմը, որտեղ նստած էր մեր բարե-  
բարն իր ատրճանակով: Այնտեղից մեզ չէր հասնում  
ոչ ձայն, ոչ կենդանութեան նշան:

Մեր շուրջը գիշերը թանձրացնում էր խաւարը:  
Տախաստանում մեռելատիպ խաղաղութիւն էր տիրում



—մենք լսում էինք մեր շնչառութեան ձայնը: Երբեմն ուր որ է հնչում էր սիրբերիական մկան ծւծւոցը... Աստղերը, երկնքի կենդանի ծաղիկները՝ այլուում էին վերելք... Մենք ուտել էինք ուզում:

Հպարտութեամբ կասեմ—այդ բաւականին տարօրինակ գրչերը ես իմ պատահական ընկերներից ո՛չ լաւ էի, ո՛չ վատ: Առաջարկեցի վեր կենալ և գնալ այդ մարդու վրայ: Նրան ձեռք տալ պէտք չէ. մենք միայն կուտենք բոլորը, ինչ որ կգանենք: Նա պիտի ատրճանակ բանայ—թող բանայ: Եթէ յաջողուի, երեքիցս մէկին պիտի հարուածէ: Եթէ նոյնիսկ հարուածէ, ատրճանակի գնդակը հազիւ թէ մահացու լինի:

—Գնանք,—ասաց զինուորը վեր ցատկելով:

«Ուսանողը» նրանից դանդաղ վեր ելաւ:

Եւ մենք գնացինք, համարեա վազեցինք: «Ուսանողը» մեր յետեից էր գալիս:

—Բարեկամ,—յանդիմանական շեշտով կանչեց զինուորը: Մեր ականջին հասաւ նրա խուլ մրթմրթոցը և ատրճանակի ոտքի չոր շխիոցը: Եւ ահա փայլեց բոցը, հնչեց ատրճանակի սուր պայթիւնը:

—Մօտովս անցաւ,—խնդութեամբ բացականչեց զինուորը՝ մի թռիչքով մարդուն համներով:—Ա՛յ դու սատանայ, ես քեզ հիմայ ցոյց կտամ...

«Ուսանողը» պարկին վրայ հասաւ:

Իսկ սատանան մէջքին ընկաւ և ձեռքերը թափ տալով՝ խոխոացնում էր...

—Այս ի՞նչ բան է,—զարմացաւ զինուորը, որ արդէն բարձրացրել էր ոտքը, որ այդ մարդուն քացի տար: —Զլինի՛ թէ ինքն իրան խփեց: Է՛յ դու, ի՛նչ եղաւ: Քեզ դիպաւ, ի՛նչ է:

—Միս էլ, մի տեսակ կարկանդակ էլ, հաց էլ—

շատ, տղերք.—հնչեց «ուսանողի» հրճուող ձայնը:

—Է՛հ, գլուխդ քարը: Գնա՛ սատկիր... Դէհ, ուտենք, տղերք ջան,— գոռաց զինուորը: Ես մարդու ձեռքից ատրճանակն առայ. նա էլ չէր խոխոացնում և այժմ անշարժ պառկած էր: Ատրճանակի մէջ մի փափուշտ էլ կար:

Մենք նորից սկսեցինք, ուտում էինք լուռ: Մարդը դեռ պառկած էր լուռ և անշարժ: Նրա վրայ ուշք չէինք դարձնում:

—Մի՛թէ միայն հացի համար էր այս բոլորը, եղբայրներ,—յանկարծ լսուեց նրա խոպոտ ու կերկեր ձայնը:

Մենք ցնցուեցինք: «Ուսանողը» մինչև իսկ խեղդուտուեց և դէպի գետին կռանալով՝ սկսեց հազալ:

Զինուորը պատառը ծամելուց յետոյ սկսեց հայհոյել:

—Շան ծնունդ, այ տրաքուիս դու չոր կոճղի նըման: Կաշիդ պիտի քերթէ՞ինք, ի՛նչ է: Ի՛նչներքիս էր պէտք: Սրա դունչ ու մոթին նայիր, պի՛ղծ հոգի: Տես, զինուել է և ատրճանակ է արձակում մարդկանց վրայ: Նզովից արմատ:

Նա հայհոյում էր և ուտում, որից նրա հայհոյանքը կորցնում էր իր շեշտն ու տպաւորութիւնը

—Սպասիր ուտենք—պըծենք, քեզ հետ հաշիւ կտեսնենք,—սպառնաց «ուսանողը»:

Գրչերային մթութեան մէջ լսուեց մի կողկողազին հեկեկանք, որ մեզ վախեցրեց:

—Այս ես ի՛նչ գիտնամ, սղրէր: Կրակեցի, որովհետեւ վախենում էի... Նոր Աֆոնից գնում եմ Մմուկնսակի նահանգը... ո՛հ, Աստուած իմ, ջերմն ինձ սպանեց... հէնց որ արեւ մայր է մտնում—օրս խաւարում է: Զեր-

մից էլ, Աֆօնից էլ հեռացայ... այնտեղ հիւսնութիւն էի անում... հիւսն եմ... Ունիմ կին... երկու աղջիկ... երեք-չորս տարի է, նրանց երեսը չեմ տեսել... Կերէք, եղբայր, բոլորը կերէք...

— Կուտենք, մի խնդրիր, — ասաց «ուսանողը»:

— Տէր Աստուած, եթէ գիտենայի, թէ դուք խաղաղ, լաւ մարդիկ եք... ատրճանակ կարձակէի... Իսկ այտեղ, աղբէր ամայի դաշտ է... մութ գիշեր. ես մեղաւձը եմ, հը՞:

Նա խօսում էր և լալիս, աւելի ճիշտ՝ մի տեսակ կերկեր՝ վեհերոտ ձայն էր հանում:

— Ի՞նչ է ճակճընկում, — արհամարհանքով ասաց զինուորը:

— Նա անպատճառ փող կուեննայ. — յայտնեց «ուսանողը»:

Զինուորն աչքերը կկոցելով՝ նայեց նրան և քթի տակ ծիծաղեց.

— Գուշակող ես, հա... Ա՛յ ինչ. եկէք խարոյկ վառենք ու քնենք:

— Իսկ նա՞:

— Գլուխը քարը: Հօ խորովելու չենք նրան:

— Պէտք էր. — ասաց «ուսանողը» իր սրածայր գլուխը շարժելով:

Մենք գնացինք բերելու մեր հաւաքած վառելիքը, որ թողինք այնտեղ, որտեղ կանգ առանք հիւսնի ձայնից. և քիչ յետոյ նստած էինք խարոյկի շուրջը: Նա հանդարտ այրում էր խաղաղ գիշերը և լուսաւորում էր մեր բռնած փոքրիկ տարածութիւնը: Մեր քունը տանում էր, թէպէտ և մենք ազատ կարող էինք մի անգամ ևս ընթրել:

— Եղբայրներ, — կանչեց մեզ հիւսնը: Նա պառկած

էր մեզնից երեք քայլ հեռու և երբեմն ինձ թւում էր, թէ նա շշնջում է.

— Հաւան:

— Կարելի է դամ այդտեղ, — կրակի մօտ: Մահա մօտենում է... Բոլոր ոսկորներս ջարդւում են... Տէր Աստուած, երևի, տուն չեմ համենելու...

— Սողան այտեղ, — թոյլ տուեց «ուսանողը»:

Հիւսնը կամաց՝ կարծես վախենալով՝ գետնի երեսով շարժուեց դէպի խարոյկը: Դա մի բարձրահասակ սարսափելի նիհար մարդ էր. նրա վրայ ամեն ինչ տարօրինակ կերպով երեւում էր, խոշոր պղտոր աչքերի մէջ այտափայլում էր նրան հալ ու մաշ անող ցաւը: Այլանդակուած դէմքը ոսկրոտ էր և մինչև իսկ խարոյկի լուսաւորութեան տակ զեղնած, մեռելատիպ գոյն ունէր: Նա ամբողջ մարմնով դողացնում էր և զարթեցնում խղճահարութիւն: Դէպի խարոյկի բոցը պարզելով իր երկար, նիհար ձեռքերը, նա շփում էր իր ոսկրոտ մատները և նրանց յօդերը շարժում էին ծանր և դանդաղ: Ի վերջոյ մարդ զգում էր նրա վրայ նայելուց:

— Ի՞նչպէս է որ դու այսպէս — ոտով ես գնում. չլինի՞ ժլատ մարդ ես, — մույլ կերպով հարցրեց զինուորը:

— Այսպէս խորհուրդ տուին... ծովով մի գնար, ասում են, այլ ոտով՝ Խրիմի վրայով գնան, լաւ օդ ունի, ասում են: Իսկ ես, ահա տեսնում եք, չեմ կարողանում գնալ... մեռնում եմ... Մենք — մենակ կմեռնեմ դաշտի միջին... թոչուտները կըկոցահարեն ինձ... և ոչ ոք չի ճանաչիլ... Կինս... աղջիկերքս ինձ կսպասեն — գրել էի նրանց... Իսկ ոսկորներս անձրեւները կթրջեն... Աստուած իմ, Աստուած իմ...

Նա վերաւոր գայլի պէս ոռնաց:

— Թիւ, սատանայ, — կատաղեց զինուորը՝ ոտքի ել-

ներով...—Ի՞նչ ես գցել ունոցդ: Մարդկանց հանգիստ  
չէն թողնելու, ինչ է: Սատկում ես—դէ՛ն սատկիր, մի-  
այն լո՛րբ: Ինչպո՞հ ես: Լո՛րբ:

—Տուր վզակոթին,—առաջարկեց «ուսանողը»:

—Քնէնք, քնէնք,—ասացի ես...—Իսկ դու եթէ  
ուզում ես խարոյկի մօտ մնալ, լաւ է ասում, մի՛ ունար...  
—Իմացա՞ր.—ասաց զինուորը կատաղած:—Դէ՛հ,

հասկացիր, էլի: Կարծում ես քեզ պիտի խղճանք և նա-  
զըդ քաշէնք նրա համար, որ մի քիչ հաց շարտեցիր և  
ատրճանակ արձակեցիր մեր վրայ: Թ՛թուած դէ՛: Ու-  
րիշ մարդ լինէ՛ր... Թիւ...  
Զինուորը լռեց և մեկնուեց գետնին:

«Ուսանողն» արդէն պառկել էր: Ես էլ պառկեցի:

Հիւսնը վախից կուշ եկաւ և կրակին մօտենալով՝ լուռ  
սկսեց նայել նրան: Ես պառկած էի նրա աջ կողմը և  
լսում էի—ինչպէս դողից ատամները կճրտացնում էր:  
«Ուսանողը» պառկեց ձախ կողմը կծկուելով՝ կարծեմ,  
խսկոյն քնեց: Զինուորը ձեռքերը գլխի տակ դրած՝  
պառկած էր և նայում էր երկնքին:

—Ի՞նչ գիշեր է, է: Որքան ասողեր կան... տօթ  
է...—քիչ յետոյ դարձաւ նա ինձ:—Հապա երկինքը—  
վերմակ է, ո՛չ թէ երկինք: Սիրում եմ այս թափառա-  
կան կեանքը: Ճիշտ է—ցուրտ էլ կայ, քաղց էլ կայ,  
բայց, դէ՛հ, մարդս շատ աղատ է... Ոչ մի՛ իշխանաւոր  
չունիս... Ինքդ գլխիդ տէրն ես... Կուզես—գլուխդ կըտ-  
րիր—մի խօսք ասող չի լինիլ... Շատ լաւ է...: Այս  
օրերը շատ տանջուեցի քաղցից, շատ գաղազեցի... Իսկ  
այժմ անա պառկած եմ և նայում եմ երկնքին... Աստ-  
ղերն ասես աչքով են անում ինձ, կարծես, ասում են.  
—բան չկայ, Լակուտին, անգաղար շքի՛ր երկրի երե-  
սին և ոչ ոքի կեր մի՛ գնար... Հնա... Եւ սիրտս հան-

գիստ է...: Իսկ դու... անունդ ի՞նչ է, էյ բարեկամ:  
Ինձ վրայ չբարկանաս և ոչընչից չվախենաս... Հա, հա-  
ցըդ կերանք՝ այդ ոչինչ.—դու հաց ունէիր, մենք չու-  
նէինք—քոնը կերանք... Իսկ դու, վայրենի, գնդակ ես  
արձակում... Մի՛թէ չգիտես, որ գնդակից մարդուս վը-  
նաս կըբայ: Քիչ առաջ ես շատ դայրացայ քեզ վրայ,  
և, եթէ դու վեր չընկնէիր, բարեկամ, մի լաւ պէտք է  
դնքսէի քեզ յանդգնութեանդ համար: Գալով հացին—  
էգուց կհասնես Պերեկօպ և այնտեղ կգնես—գիտեմ...  
Փող կուճենաս... վաղո՞ւց է ջերմ ունիս:

Դեռ երկար ականջիս հասնում էր զինուորի թաւ  
բասը և հիւսնի հիւսնի կերկեր ձայնը: Գիշերը, մութ՝  
սև գիշերն աւելի ու աւելի իջաւ երկրիս վրայ. կուրծքս  
լցում էր թարմ առողջ օդը:

Խարոյկից տարածուած էր միապաղաղ լոյսը և  
կենսունակ ջերմութիւնը... Քուսս գալիս էր.

—Վեր կաց: Շո՛ւտ: Գնանք:

Ես երկիւղից աչքերս բաց արի և արագ ոտքի կանգ-  
նեցի. զինուորն ինձ օգնեց՝ ձեռքիցս պինդ քաշելով:

—Դէ՛հ, շուտ. գնանք:

Նրա դէմքը մռայլ էր և տագնապալից: Ես շուրջս  
նայեցի: Արևը նոր էր ծագում, և նրա վարդաբոյն շող-  
քըն արդէն ընկել էր հիւսնի անշարժ և կապտաւուն  
դէմքին: Բերանը բաց էր, աչքերը դուրս էին եկել ի-  
րանց փոսից և նայում էին պաղ հայեացքով, որ ար-  
տայայտում էր սարսափ: Կրճքի վրայի շորերը բոլորո-  
վին պատառոտած էին և նա ընկած էր մի տեսակ անբնա-  
կան՝ ջարդ ու բուրդ եղած դիրքով: «Ուսանողը» չկար:  
կան՝ ջարդ ու բուրդ եղած դիրքով: Գնանք, ասում եմ.—

—է՛հ, չկշտացա՞ր նայելուց: Գնանք, ասում եմ.—  
յորդորելով ասաց զինուորը՝ թևիցս քաշելով:

—Մեռել է,— հարցրի ես՝ առաւօտեան գովու-  
թիւնից սրտփառով:

—Ի հարկէ: Քեզ էլ որ խեղդեն, դու էլ կ'մեռնիս,  
—բացականչեց զինուորը:

—Սրան... «ուսանողն» է...—բացականչեցի ես:

—Հապա սի: Կարելի է—դ՞ու. կամ ես: Հն: Այ  
քեզ ուսումնական... ճարտիկ կտրեց մարդու դատաս-  
տանը և մեզ էլ լուս թալակը ձգեց: Գիտենայի—երեկ  
ես այդ ուսանողին կսպանէի: Մի անդամից կսպանէի:  
Շրք՛խկ, կհասցնէի բռունցքով քունքին—և աշխարհից  
մի գարշելի կպակսէր: Ախր ինչ արեց, հասկանում ես:  
Հիմայ մենք այնպէս պէտք է գնանք, որ ոչ մի մարդ  
մեզ չտեսնի. հասկացար: Որովհետև հիւանին այսօր կը-  
զտնեն և կտեսնեն, որ խեղդուած է և կողոպտուած: Եւ  
պիտի մեզ հետեւեն... էհ, սրտեզից ես գալիս... սրտեզ  
ես գիշերել: Ե՛ւ... կըռնեն մեզ... թէպէտ և մեզ մօտ  
ոչինչ չկայ... բայց նրա ատրճանակը ծոցումս է: Այ բան:

—Դէն գցիր.—խորհուրդ էի տալիս ես:

—Դէն գցեմ,—մտախոհ կերպով ասաց նա:—  
Թանկ արժէ... կարելի է մեզ չըռնեն... Ո՛չ, չեմ գցիլ...  
սի գիտէ թէ հիւանը ատրճանակ ունէր: Չեմ գցիլ: Ե-  
րեք մանէթ արժէ: Մի հատ էլ գնդակ կայ: Երանի՛  
հէնց այս գնդակով մեր սիրելի ընկերոջ ականջը տըժ-  
ժացնէի: Շունը, տեսնես, որքան փող յափշտակեց...  
Անիծած:

—Խեղճ աղջիկներ...—ասացի ես:

—Աղջիկներ, ի՞նչ աղջիկ: Հա, նրա... Լուս, նրանք  
կմեծանան, մեզ էլ չեն առնիլ. նրանց մասին խօսելն  
էլ աւելորդ է... Գնանք, եղբայր, շուտ-շուտ գնանք...  
սուր գնանք:

—Չգիտեմ... միևնոյն է:

—Ես էլ չգիտեմ և գիտեմ, որ միևնոյն է: Դէպի  
աջ գնանք—այնտեղ ծով պիտի լինի:

Մենք դէպի աջ գնացինք:

Ես յետնայեցի: Մեզանից հեռու բարձրանում էր մի  
մթնագոյն բլրակ, իսկ նրա վրայ շողշողում էր արևը:

—Նայում ես—չլինի՞ յարութիւն առաւ: Մի վա-  
խենար. չի վեր կենալ մեր յետևից հասնելու... Մեր  
ուսումնականը, ինչպէս երևաց, ճարտար մարդ էր, հի-  
մնաւոր գործ տեսաւ... Տեսար ընկերը: Լաւ խրեց մեզ:  
էհ, եղբայր, մարդս փչանում է, տարէց-տարի աւելի  
ու աւելի փչանում է,—տխրութեամբ ասաց զինուորը:

Անմոռեսչ և ամայի տափաստանը վաղորդեան  
արևի շողերով լցուած՝ ծաւալուած էր մեր շուրջը՝ հորի-  
զոնի վրայ միանալով երկնքի հետ, որն այնպէս ջինջ  
էր, այնպէս հրապուրիչ և լուսալիր, որ, թուում էր, ոչ  
մի խաւար անարդար գործ հնարաւոր չէր այդ ազատ  
դաշտավայրի ընդարձակ տարածութեան վրայ, որ ծած-  
կուած էր երկնքի կապոյտ գմբէթով:

—Սաստիկ ուտել եմ ուզում, բարեկամ,—ասաց  
ընկերս՝ գլանակը փաթաթելով:

—Ի՞նչ պիտի ուտենք այսօր, սրտեզ և ի՞նչպէս:  
Խնդիր է:

...  
Այստեղ պատմիչս—հիւանդանոցի հարևանս—վեր-  
ջացրեց իր վէպիկն, ասելով:

—Ահա բոլորը: Ես շատ մտերմացայ այդ զինուո-  
րի հետ, և մենք միասին հասանք մինչև Կարսի շրջանը:  
Սա մի բարի և շատ փորձուած տղայ էր և թափառա-  
կան բօսեակի տիպար: Ես յարգում էի նրան: Մենք մի-  
ասին գնացինք մինչև Փոքր Ասիա և այնտեղ կորցրինք  
իրար...

— Դուք երբեմն յիշում էք հիւանին. — հարցրի ես:

— Ինչպէս տեսնում էք, կամ ինչպէս լսեցիք...

— Եւ... ինչ... Նա ծիծաղեց:

— Ինչ պիտի զգայի ես այդ դէպքում: Ես մեղա-  
ւոր չեմ, որ նրան այս բանը պատահեց, ինչպէս և դուք  
մեղաւոր չէք այն բանում, ինչ որ ինձ է պատահել...  
Եւ առհասարակ ոչ ոք ոչ մի բանում մեղաւոր չէ, ո-  
րովհետև մենք ամենքս միատեսակ անասուններ ենք:

1897



## Չ Ա Ն Չ Բ Ո Յ Թ Ի Ց.

... Թանձր ծխի կոյտեր վիժելով՝ մարդատար  
գնացքը իբրև մի վիթխարի սողուն՝ անյայտանում էր  
տափարակ հեռաստանում՝ հացաբոյսերի դեղին ծովի  
մէջ: Գնացքի ծխի հետ արեակէզ օդի մէջ անյայտանում  
էր նրա զայրացկոտ ազգակիլը, որ մի քանի բոպէ ընդ-  
հատում էր անդորր լուծիւնը լայնարձակ ամայի դաշ-  
տի, որի մէջտեղը երկաթուղու փոքրիկ կայարանը իր  
միայնութեամբ զարթեցնում էր տխուր զգացմունք:  
Եւ երբ կառախմբի խուլ բայց կենդանի աղմուկը  
ցրուեց — հատկաւ անամպ երկինքի պայծառ գըմ-  
բէթի տակ, կայարանի շուրջը նորից տիրեց ճըն-  
շող լուծիւնը, և նրա հետ տափաստանի տաղտուկ  
միակերպութիւնը սաստկացաւ:

Դաշտը ոսկեգօծ էր, երկինքը կապուտակ: Երկունս  
էլ անսահման մեծ էին: Կինամոնազոյն շէնքերը, որոնց  
մէջտեղն էր կայարանը, պատահական բծերի տպաւո-  
րութիւն էին թողնում, որոնք մեծացնում էին մեղա-  
մաղձիկ պատկերի կենդրոնը, որ ջանասիրութեամբ  
նկարել էր երեակայութիւնից և ոգևորութիւնից զուրկ  
նկարիչը:

Ամենայն օր ժամը 12-ին և ճաշից յետոյ 4-ին  
տափաստանից գալիս են կառախմբերը և երկու բոպէ

կանգ են առնում: Այդ չորս բոլէն է կարարանի գըլ-  
խաւոր և միակ զուարճութիւնը. նրանք են, որ կայարանի  
ծառայողների համար տպաւորութիւններ են բերում:

Իւրաքանչիւր գնացքի մէջ կան տեսակ-տեսակ  
մարդիկ զանազան հագուստով: Նրանք յայտնուում են  
մի վայրկեան. վազօնների լուսամուտներից երևում և  
անյայտանում են յոգնած—վաստակած, անհամբեր և  
անտարբեր դէմքեր, —զանգը տալիս է, սուլոցը փչում  
է—և նեարդեր գրգռող ազմուկով նրանք սլանում են  
գաշտի միջով դէպի հեռուն, դէպի քաղաքները, ուր  
եռում է ազմկալից կեանքը:

Իրանց առանձնութեան մէջ ձանձրացող կայարա-  
նի ծառայողներին հետաքրքիր է տեսնել այդ դէմքերը,  
և գնացքը ճանապարհ գցելուց յետոյ նրանք իրար հա-  
ղորդում են իրանց թուուցիկ տպաւորութիւնները: Նը-  
րանց շուրջը ծաւալում է անմոռնչ տափաստանը, և  
նրանց վերևը—անտարբեր երկինքը, իսկ նրանց սրտին  
տիրում է մի անորոշ նախանձ դէպի այն մարդիկ, ու-  
րոնք ամեն օր նրանց առաջից սլանում են ուր որ է,  
այն ինչ իրանք մնում են մի ամայի տեղ բանտար-  
կուած՝ կեանքից հեռու ապրելով՝ և միայն չորս բոլէ  
մարդու երես տեսնելով:

Եւ անա գնացքը ճանապարհ գցելուց յետոյ՝ նրանք  
կանգնած են կայարանի աստիճանների վրայ՝ աչքերով  
հետևելով սև երիզին, որ անյայտանում է հացարոյսե-  
րի դեղին ծովի մէջ, և լուում են իրանց առաջից սլա-  
ցող կեանքի տպաւորութեան տակ:

Նրանք գրեթէ բոլորն էլ այստեղ են. կայարանի  
կառավարիչը՝ բարեսիրտ, լիք-լիք, շէկլիկ մի մարդ՝  
կազակի խոշոր ընչացքներով. սրա օգնականը—շեկա-  
կարմիր երիտասարդ փոքրիկ սուր մօրուքով. կայարա-

նի պահապանը՝ փոքրիկ, ժիր, խորամանկ Լուկան, և  
գծի ծառայողներից մէկը—սլաքպան (стрѣлочникъ)  
Գոմոգովը, պնդակազմ, լայն մօրուքով մի լուռումուռ  
գիւղացի՝ լուրջ ու կուշտ դէմքով:

Կայարանի դանը, նստարանի վրայ նստած է կա-  
ռավարչի ամուսինը, մի փոքրիկ հաստլիկ կին, որ շատ  
նեղում է շոգից: Նրա ծնկների վրայ քնած է երեխան,  
որի դէմքը նոյնպէս լիտիկ ու կարմիր է, ինչպէս և  
մօրը:

Գնացքը ծածկում է զառիվայրի յետեր և թւում  
է, թէ նա թաղում է երկրի մէջ:

Այն ժամանակ կայարանի կառավարիչն ասում է՝  
դառնալով դէպի կինը.

—Էհ, Սօնիա, ինքնատեղ պատրաստ է:

—Ի հարկէ,—ալարելով և կամաց ասում է նա:

—Լուկն, դու այստեղ... էս էսինքը... աւելի՛ր ճա-  
նապարհն ու աստիճանները... տեսնում ես, որքան  
կեղտ են թափթփել...

—Գիտեմ, Մատվէյ Եգօրովիչ...

—Հնա... էհ, ինչպէս, թէյ չխմէ՛նք, Նիկոլայ Պետ-  
րովիչ:

—Խմէ՛նք...—ասում է օգնականը:

Իսկ միւս գնացքը ճանապարհ գցելուց յետոյ մատ-  
վէյ Եգօրովիչն հարցնում էր կնոջը.

—Էհ, Սօնիա, ճաշը պատրաստ է:

Յետոյ նա նոյն հրամանն է տալիս Լուկային. հրա-  
ւիրում է օգնականին, որ ճաշում է նրանց հետ:

—Հը, ինչպէս. ճաշում ենք:

—Ինչպէս միշտ...

Աստիճանների վրայից անցնում են սենեակը, որ-  
տեղ շատ ծաղիկ և քիչ կարասիք կայ. որտեղ խոհա-

նոցի և բարուրի հոտ է գալիս: Եւ այստեղ՝ սեղանի շուրջը խօսակցում են գնացքի մասին, որ սահեց—անցաւ նրանց առաջից:

—Նկատեցի՞ք թուխ կնոջը դեղին զգեստով, Նիկոլայ Պետրովիչ, երկրորդ կարգումն էր: Թունաւոր գատ էր...

—Վատ չէր, բայց անճաշակ էր հագնուած.—սպաստասխանում է օգնականը:

Նա միշտ խօսում է կարճ ու ազդու, որովհետև իրան համարում է աշխարհ տեսած և կրթուած մարդ: Աւարտել է գիմնազիան: Նա մի տետր ունի սև կողերով: Նրա մէջ գրում է հռչակաւոր մարդկանց ասացուածները, որ նա քաղում է լրագրական թերթօններից կամ պատահմամբ ձեռքն անցած գրքերից: Կառավարիչըն առանց այլևայլութեան ընդունում է նրա հեղինակութիւնը ամեն բանի մէջ, որ իրանց պաշտօնին չէ վերաբերում, և նրան լսում է ուշադրութեամբ: Շատ դուր են գալիս նրան մանաւանդ Նիկոլայ Պետրովիչի տետրի խորիմաստ բաները, որոնցով նա միշտ միամտաբար հիանում է: Թխադէմ կնոջ զգեստի մասին օգնականի արած նկատողութիւնը Մատվեյ Եգորովիչի մէջ հարց է դարթեցնում:

—Մի՞թէ դեղինը չի սագում թուխ կանանց:

—Ես խօսում եմ ձևի, տարազի և ոչ գոյնի մասին, —բացատրում է Նիկոլայ Պետրովիչը, ապակեայ վազից քաղցրաւենիք լցնելով իր ափսէն:

—Տարածը—այդ ուրիշ բան է...—համաձայնում է կառավարիչը:

Սօսակցութեան մասնակցում է նրա կինը, որովհետև այս նիւթը նրան մատչելի և հասկանալի է: Բայց որովհետև այս մարդկանց միտքը սրուած չէ, խօսակ-

ցութիւնը դանդաղ է առաջ գնում և հազիւ թէ յուզում նրանց զգացմունքները:

Իսկ լուսամուտից երևում է դաշտը, որ կախարդուած է այնտեղ տիրող լուութեամբ, և երկինքը, որ վսեմ է իր վեհաշուք անդորրութեամբ:

Գրեթէ ամեն ժամ գալիս են ապրանքատար կառախմբերը, սակայն նրանց վրայ ծառայողները վաղուց ծանօթ են: Այդ բոլոր կոնդուկտօրները քնաթաթախ՝ ձանձրալի ճամբորդութիւնից ընկճուած մարդիկ են: Ասենք, երբեմն սրանք պատմում են գծի վրայ տեղի ունեցած պատահարների մասին.—այսինչ տեղը գնացքը մարդ տրորեց. կամ խօսում են ծառայութեան մէջ եղած նորութիւնների մասին.—այսինչը տուգանքի է ենթարկուած, այսինչը տեղափոխուած է: Այս նորութիւններն էլ քննութեան չեն առնում, այլ լափում են, ինչպէս քաղցրասէր մարդը լափում է համեղ և հազուադիւրս կերակուրը:

Իսկ արևը կամաց-կամաց թեքում է երկնակամարից դէպի տափաստանի եզրագիծը, և երբ նա այնտեղ համարեան հպում է երկրին, այն ժամանակ դառնում է բոսորագոյն: Դաշտի վրայ ընկնում է լուսագոյն լոյսը, որ զարթեցնում է դժգոհութեան թախծալի զգացմունք և անորոշ միտումն դէպի հեռաստանը—դճուրս ս յգ ամայի անապատից: Յետոյ արևը հպում է երկրին և դանդաղ իջնում է նրա մէջ կամ նրա յետևը: Երկնքի երեսին դեռ երկար խաղում են հանդարտ՝ վերջալոյսի պայծառ գոյները. բայց վերջալոյսը շարունակ գոյնը զցում է, և վրայ է հասնում տաք և անմոռնչ աղջամուղջը: Պէճին են տալիս աստղերը և դողդողում են երկնքի երեսին, ասես՝ վախենում են երկրի վրայ տիրող ձանձրոյթից:

Մթութեան մէջ տափաստանը պարփակուած է: գիշերային խաւարն ամեն կողմից լուռ սողում է դէպի կայարանը: Եւ ահա գալիս է գիշերը, սև և մուայլ գիշերը:

Կայարանում վառում են ճրագները. ամենից պայծառ և ամենից բարձր է ուղեցոյց լապտերի կանաչաւուն կրակը: Իսկ նրա շուրջը լուռ է և խաւար:

Երբեմն հնչում է գանգը—գնացքի յուշարարը. գանգի շտապովի ձայնը տարածուած է դաշտումը և աւրագ անհետանում է նրա մէջ:

Ձանգից յետոյ հեռաւոր խաւարի միջից շուտով դուրս է վազում կարմիր, փայլատակող կրակը, և դաշտի անդորրութիւնն ընդհատուած է կառախմբի խուլ դղրդիւնով, որ գալիս էր դէպի մենաւոր, խաւարամած կայարանը:

Կայարանի փոքրիկ հասարակութեան ստորին խաւն ապրում է մի քիչ ուրիշ տեսակ, քան ազնուական դասը: Պահապան Լուկայի խելքը—միտքը շարունակ այն է—փախչել կ'նոջ և եղբօր մօտ՝ գիւղը, որ կայարանից եօթը վերստ հեռու է: Այնտեղ նա «տուն ու տեղ» ունի, ինչպէս ասում է նա Գոմոզովին, երբ այս լռակեաց և լուրջ ծառայողին՝ խնդրում է իր փոխարէն հերթապահ լինել:

«Տուն ու տեղ» խօսքի վրայ Գոմոզովը միշտ ծանր հոգեոց էր հանում և ասում է Լուկային.

—Ի՞նչ արած, գնան. տանը տէր է պէտք. այդ ուղիդ է...

Իսկ միւս սլաքպանը, Աֆանասի Եագօզան, որ նախկին զինուոր է՝ լայնալիր և կարմիր դէմքով ու ալեխառն, կոշտ մազերով, մի ծաղրածու և չարախըն-

դաց մարդ,—Լուկային չի հաւատում:

«Տուն ու տեղ»—բացականչում է նա, քթի տակ ծիծաղելով:—Կ'ի՛ն... Հասկանում եմ ինչ բան է այդ... է՛հ, ի՛նչպէս, կ'ինդ առաջ այրի՞ էր, ի՛նչ է, թէ զինուորի կ'ին էր:

—Այս դու հաւի թագաւոր, արհամարհանքով ձայն է տալիս Լուկան:

Նա Եագօզային այդպէս էր կոչում նրա համար, որ վաղեմի զինուորը չափից դուրս սիրում էր թռչուններին: Նրա դիտանոցն (бурка) ամբողջովին՝ թէ դրօփց և թէ ներսից կախկառած էր վանդակներով և բներով: Նրա մէջը, ինչպէս և շուրջը, ամբողջ օրը շարունակ հնչում էր թռչունների ծլւլոցը: Զինուորի գերած լուրերը անդադար ճղճղում էին իրանց միակերպ երգը. սարեակները մըթմըթում իրանց երկար ճառերը, փոքրիկ գոյնզգոյն թռչունները միալար ճուղղում, ճչում, երգում էին՝ քայքայցնելով զինուորի մենաւոր կեանքը: Նա իր բոլոր ազատ ժամանակը նրանցով է զբաղում և նրանց ցոյց տալով գգուանք և հոգատրութիւն՝ ընկերներին բանի տեղ չէ դնում: Լուկային նա օձ է անուանում, Գոմոզովին—աւանակ, և առանց քաշուելու նրանց երեսին ասում է, որ նրանք երկուսն էլ կանանց յետևից քաշ եկողներ են և որ դրա համար հարկաւոր էր նրանց երկուսին էլ ձեծել:

Լուկան նրա խօսքերին ուշադրութիւն չէր դարձնում, բայց եթէ զինուորին յաջողուէր նրան զայրացնել, Լուկան երկար ու կծու հայեցում էր նրան.

—Քոստ բերդապահ \*), մկան թափթփուկ: Ախր դու ի՛նչ ես հասկանում, այծի թմբկահար: Կեանքումդ

\*) Զինուորականների մէջ բերդապահները և շտաբում ծառայողները միաներից արհամարհուած են: Թ.



Թնդանութները տակից գորտերին ես փախցրել և զօրագնդի կաղամբին պահապան ես եղել. քո լինչ բանն է դատողութիւն տալ: Գնան, գնան թռչուններդ մօտ, նրանց հրամաններ տուր, հաւի հրամանատար:

Պահապանի հայհոյանքը հանդարտ լսելուց յետոյ, զինուորը գնում էր կայարանի կառավարչի մօտ գանգատուելու. իսկ նա բղաւում էր, որ իր մօտ մարդ չըմտնի այդպիսի դատարկ բանի համար, և վաճառում էր զինուորին: Այն ժամանակ Եագօղան գտնում էր Լուկային և այս անգամ արդէն ինքն էր սկսում նրան հայհոյել առանց տաքանալու, կակուղ-կակուղ՝ ծանր և զզուելի խօսքերով, որոնցից Լուկան շուտով փախչում էր թքելով:

Գոմոզովը զինուորի տրտունջներին պատասխանում էր ակն ու վախով և քաշուելով արդարանում էր.

— Ի՞նչ արած: Ոչինչ չես կարող անել այդ... Ի հարկէ... շատ է երես առել... Բայց, ի միջի այլոց, մի ասիր—մի լսիր...

Մի անգամ զինուորը պատասխանեց նրան ծաղրելով.

— Բան ես սովորել, էլի: Մի ասիր—մի լսիր... զէն, թէ որ չասես ու չլսես, էլ խօսելու բան չի լինի . . .

Կառավարչի կնոջից դատ՝ կայարանում կար էլի մի կին—խոհարարուհին: Նրան կոչում էին Արինա. մօտ քառասուն տարեկան էր և շատ տղեղ, պնդակաղմ, կախկիտուած ստինքներով, միշտ կեղտոտ և ցնցոտիներ հագած: Նա ման էր գալիս ամբողջ մարմնով շրջուելով մի ոտից միւսի վրայ, և նրա ծաղկատար

զէմքի վրայ փայլում էին բզով ծակած, վախվտորած և կնճիռներով պատած աչքերը: Նրա անձոռնի կերպարանքի մէջ մի տեսակ ստրկական ընկճուած բան կար, և նրա հաստ շրթունքներն այնպէս էին իրար վրայ գալիս, որ, կարծես, նա ուզում էր բոլոր մարդկանցից ներդուլութիւն խնդրել, նրանց ոտքերն ընկնել, և չէր համարձակուում լաց լինել: Գոմոզովն ութ ամիս անցկացրեց կայարանում՝ առանձին ուշադրութիւն չդարձնելով նրա վրայ. նրան հանդիպելիս նա ասում էր «բարով»: Արինան պատասխանում էր նրան նոյնպէս. փոխանակում էին իրար հետ մի քանի խօսք և յետոյ բաժանուում էին, ամեն մարդ գնում էր իր գործին: Բայց մէկ անգամ Գոմոզովը մտաւ կառավարչի խոհանոցը և Արինային առաջարկեց իրան համար շապիկ կարել: Սա համաձայնեց և շապիկները կարելուց յետոյ, սով գիտէ—ինչու՝ ինքը տարաւ նրա մօտ:

— Այ շնորհակալ եմ.—ասաց Գոմոզովը:—Երեք շապիկ, հատը տաս կոպէկից՝ ասել է՝ քեզ կհասնի երեսուն կոպէկ... Ուղի՞ր է:

— Այդպէս է, էլի...—պատասխանեց Արինան

Գոմոզովը մտածման մէջ ընկաւ և երկար լուռ էր:

— Գու թիւ նահանգից ես,—հարցրեց վերջապէս կնոջը, որ շարունակ նայում էր նրա մօրուքին:

— Ռեազանի...—ասաց նա:

— Հեռո՞ւ տեղից ես: Է՛հ, լինչպէս այստեղ ընկար:

— Այնպէս... ես մեն—մենակ եմ...

— Եթէ այդպէս է, դեռ աւելի հեռուն կարելի է գնալ...—հառաչեց Գոմոզովը:

Ու դարձեալ նրանք երկար ժամանակ լուռ էին:

— Այ, ես էլ: Նիժնի Նովգորոզի նահանգից՝ Սերգաչեվսկի գաւառից եմ...—խօսեց Գոմոզովը:—Ես էլ

մենակ եմ. ես եմ ու կամ: Բայց ժամանակով տուն ու տեղ ունէի, կին էլ ունէի... երեխէք—երկուսը: Խօրե-րային կինս մեռաւ... իսկ երեխերքս—այնպէս... Իսկ ես... էսէնինքը... դարդից քարուքանդ եղայ: Հնա-ն: Յետոյ փորձեցի նորից տուն ու տեղ լինել—չեղաւ. մե-քենան փչացել էր. չի բանում: Մէկ անգամ ճամբից դուրս եկայ ու էն գնալն էր—գնացի... Ահա երեք տա-բի է չարչարում եմ...

—Վատ է, երբ մարդ չունի տուն ու տեղ,—կա-մաց ասաց Արինան:

—էն էլ հոն... Դու այրի՞ ես, ինչ է:

—Աղջիկ եմ...

—Չէ-հն... պարզ ի պարզոյ կասկածեց Գոմոզովը:

—Աստուած վկայ, աղջիկ եմ,—հաւատացնում էր նրան Արինան:

—էհ, ինչո՞ւ մարդու չգնացիր:

—Ո՞վ կառնի ինձ: Ոչինչ չունիմ... ինչի՞ս ուզեմ... դէ՛հ դէմքով էլ գեղեցիկ չեմ...

—Հնա-ն...—մտածման մէջ երկարացրեց Գոմոզովը և, մօրուքը շփելով՝ սկսեց քննողաբար նայել նրան: Յետոյ տեղեկացաւ, ամսական որքան է ստանում նա:

—Երկու մանէթ ու կէս...

—Այդպէս: Էհ... Ասել է թէ երեսուն կոպէ՞կ եմ տարու քեզ: Ա՛յ ինչ... երեկոյեան արի տնոր... ժամը, էսպէս, տասին մօտ, հնա: Ես կտամ... թէյ կխմենք, մի քիչ խօսելով ժամանակ կանցնենք... երկուսս էլ մե-նակ ենք...: Արի...:

—Կգամ...—պարզօրէն ասաց նա և գնաց:

Յետոյ երեկոյեան ուղիղ ժամը տասին գալով նրա մօտ՝ նրա սենեակից հեռացաւ լուսարացին:

Գոմոզովը էլ չկանչեց նրան իր մօտ և երեսուն

կոպէկն էլ չտուեց նրան: Արինան ինքն եկաւ նրա մօտ, ասպուշի պէս հլու հնազանդ, եկաւ ու լուռ ու մունջ կանգնեց նրա առաջ: Գոմոզովը մահճակալի վը-րայ պառկած՝ նայեց նրան և դէպի պատը քաշուելով՝ ասաց.

—Նստի՛ր:

Եւ երբ նա նստեց, յայտնեց նրան.

—Դու, այ ինչ, ծածուկ պահիր այս բանը: Ոչ-որ չիմանայ, հնա: Թէ չէ ինձ վատ կլինի... ես ջահէլ չեմ, ոչ էլ դու... Հասկանո՞ւմ ես:

Նա դրականաբար գլուխը շարժեց:

Նրան ճանապարհ պցելիս Գոմոզովը իր շորերը տուեց կարկատելու և դարձեալ յիշեցրեց.

—Ոչոք չիմանայ, հնա:

Այսպէս նրանք սկսեցին ասլերել, բոլորից ծածկե-լով իրանց յարաբերութիւնը:

Արինան գիշերները ծածուկ նրա մօտ էր գալիս գրեթէ փորսող տալով: Գոմոզովը ընդունում էր նրան ներողամտաբար, տիրաբար, և երբեմն պարզ ի պար-զոյ ասում էր.

—Բայց ինչ տգեղն ես դու, հնա:

—Նա լուռ ու մունջ ժպտում էր նրա երեսին դժգոյն մեղապարտ ժպիտով և նրա մօտից հեռանալիս՝ համարեն միշտ իր հետ տանում էր որ և է աշխատանք, որ տալիս էր նրան Գոմոզովը:

Նրանք իրար տեսնում էին սակաւ: Բայց երբեմն Գոմոզովը կայարանում որ և է տեղ նրան հանդիպելիս՝ ասում էր կիսաձայն.

—Այսօր եկ...

Ու արինան հու-հնազանդ գնում էր նրա մօտ. գնում էր մի այնպիսի լուրջ արտայայտութեամբ, ասես,

եկաւ նրա համար, որ կատարէ իր պարտքը, որի կա-  
րեւորութիւնը հասկանալի է դարձել նրա համար:

Իսկ երբ տուն էր դառնում, այն ժամանակ նրա  
դէմքը դարձեալ ընդունում էր յանցաւորութեան և եր-  
կիրդի սովորական մեռելատիպ արտայայտութիւնը:

Երբեմն նա կանգնելով որ և է տեղ—մի անկիւն  
կամ ծառի յետևը, երկար նայում էր տափաստանի կող-  
մը: Այնտեղ տիրում էր գիշերը և սրա դաժան լու-  
թիւնից նրա սիրտը ճմլւում էր:

Մի անգամ, երեկոյան գնացքը ճանապարհ գցե-  
լուց յետոյ՝ կայարանի վարչութիւնը թէյ սարքեց պար-  
տիզում՝ Մատիէյ Եգորովիչի բնակարանի լուսամուտ-  
ների առաջ՝ բարդիների խիտ ստուերի տակ:

Շոգ եղանակին նրանք յաճախ անում էին այս.—  
սա այնուամենայնիւ մի քիչ փոփոխութիւն էր մտցնում  
նրանց կեանքի միակերպութեան մէջ:

Թէյը խմում էին և լուել էին՝ գնացքի բերած բո-  
լոր տպաւորութիւններն իրար հաղորդելուց յետոյ:

—Այսօր երեկուանից շոգ է, —ասաց Մատիէյ Եգ-  
գորովիչը՝ մի ձեռքով դատարկ բաժակը կնոջը տալով  
և միւսով երեսի քրտինքը սրբելով:

Կինը բաժակն առնելով՝ յայտնեց.

—Չանձրոյթից այդպէս է թւում, թէ շոգ է...

—Հը՛մ: Կարելի է... յիբաւի... ձանձրալի է կեան-  
քը: Ա՛յ, այս դէպքում թղթախաղը լաւ է... բայց մենք  
միայն երեք հոգի ենք...

Նիկոլայ Պետրովիչը ուսերը թօթուեց և աչքերը  
կկոցելով՝ որոշակի ասաց.

—Թղթախաղը Շօպէնհաուերի ասելով՝ մաքրի սը-

նանկութիւն է:

—Կեցցէ, —հիացաւ Մատիէյ Եգորովիչը: —Ինչպէս  
է՞ր. մաքրի մնանկութիւն... հա՛: Իսկ ասողն ով է՞:

—Շօպէնհաուէրը, գերմանացի փիլիսոփայ է...

—Փիլիսոփայ... հը՛մ...

—Ի՛նչպէս, այդ փիլիսոփաները համալսարաննե-  
րում են ծառայում, —հետաքրքրուեց Սօֆիա Իվանովնան:

—Այսինքն, ի՛նչպէս ասեմ: Դա աստիճան (ЧИНЪ)

չէ, այլ... այսպէս ասած՝ ընածին ընդունակութիւն է...  
փիլիսոփայ կարող է լինել ամեն մարդ... ով ի ծնէ  
սովորութիւն ունի մտածել և ամեն բանի սկիզբն ու  
վախճանը փնտրել: Ի հարկէ համալսարաններում էլ  
կան փիլիսոփաներ... բայց նրանք կարող են լինել և...  
այնպէս... մինչև անգամ կարող են ծառայել երկաթու-  
ղու վրայ...

—Շատ ուժիկ են ստանում նրանք, որոնք համալ-  
սարաններում են ծառայում:

—Խելքին նայելով...

—Բայց եթէ չորրորդ ընկեր լինէր—հիանալի վիճիթ  
կխաղայինք.—հառաչելով ասաց Մատիէյ Եգորովիչը:

Ու խօսակցութիւնն ընդհատուեց:

Կապոյտ երկնքի երեսին երգում են արտոյաները,  
բարդիները վրայ ոտից ոտ ևն թռչկոտում շիկահա-  
ւերը և մեղմ շուսցնում են: Սենեակում լաց է լինում  
երեսան:

—Արինան այնտե՞ղ է, —հարցնում է Մատիէյ Եգո-  
րովիչը:

—Ի հարկէ... —կարճ պատասխանում է նրան կինը:

—Ինքնատիպ կին է այդ Արինան. նկատեցէք  
Նիկոլայ Պետրովիչ...

—Ինքնատիպ լինելը հասարակ, չնչին լինելու

նշան է,—իբր ինքն իրան ասում է Նիկոլայ Պետրովիչը մտորուն՝ խոհուն կերպարանք ընդունելով:

—Ինչպէս.—հետաքրքրում է կառավարիչը:

Եւ եբր Նիկոլայ Պետրովիչը պարզ կրկնում է ասացուածքը, նա դիւրեկան ձևով կկոցում է աչքերը, իսկ Սօֆիա Իվանովնան քնքոյշ ձևով ասում է.

—Ի՛նչ լաւ էք յիշում ձեր կարգացածը... իսկ ես... այ, կըկարդամ և հետևեալ օրը, թէկուզ սպանէք, ոչինչ չեմ յիշիլ... Վաղուց չէ „Нива“—ի գրքոյկից մի շատ հետաքրքրի և զուարճաւի բան կարդացի. ի՛նչ.—մի խօսք չեմ յիշում:

—Սովորութիւն է,—կարճ բացատրեց Նիկոլայ Պետրովիչը:

—Ձէ, այս մէկը լաւ է... այն միւսից... անունն ինչպէս էր... Շոպէնհաուէր...—ժպտալով ասում է Մատվէյ Եգորովիչը:—Դուրս է գալիս, որ ամեն նոր բան դառնում է հին:

—Եւ ընդհակառակը, որովհետև մի բանաստեղծ ասել է. «Այն, գոյութեան իմաստութիւնը անտեսող է, —նրա մէջ ամեն նոր բան հիւսւում է հնից»:

—Թիւհ, սատանան տանի: Այդ ինչ բան է, ասես թէ գրպանից էք հանում խօսքերը:

Մատվէյ Եգորովիչն ինքնագոհ ծիծաղում է, նրա կինը սիրալիր ժպտում է. իսկ Նիկոլայ Պետրովիչը հպարտանում է իր մէջ և ուզում է ծածկել այդ, բայց չի յաջողում:

—Ո՛վ է ասել այն առաջինը.

— Բարեատինսկին, բանաստեղծ է:

—Իսկ այն միւսը:

—Նոյնպէս բանաստեղծ—Ֆօֆանով:

—Կեցցեն, —քաջալերում է բանաստեղծներին Մատ-

վէյ Եգորովիչը և գոհ ժպտը դէմքին՝ մի տեսակ եղանակով կրկնում է երկտողը:

Չանձրոյթը կարծես խաղ է անում նրանց հետ—մի բոպէ ազատում է նրանց իր գրկից և նորից պինդ գրկում է: Այն ժամանակ նրանք դարձեալ լուծւում են՝ հով տալով իրանց, որպէսզի ազատուեն շոգից, որ սաստկանում է թէյ խմելուց:

Տափաստանում միայն արևն է:

—Հն, ես խօսում էի Արինայի մասին...—մտաբերում է Մատվէյ Եգորովիչը:—Տարօրինակ կին է. նայում եմ նրան և զարմանում եմ: Կարծես նրան հարուած է հասել, ոչ ծիծաղում է, ոչ երգում. չխօսկան է... ասես կոճղ լինի: Այն ինչ նա շատ լաւ է աշխատում և, գիտէք, այնպէս է նայում Լեւիային, այնպէս ուշադիր է դէպի երեխան...

Նա խօսում է կամաց՝ չուզենալով որ Արինան լսէ իր խօսքերը: Նա գիտէ, որ ծառային գովել չի կարելի, եթէ չես ուզում, որ երես առնի:

Կինն ընդհատում է նրան՝ խորհրդաւոր կերպով դժգոհելով.

—Լաւ, թո՛ղ տուր նրան... դու նրա մասին ամեն բան չգիտես:

—Любви раба,

Я такъ слаба

Въ борьбѣ съ тобой,

О, демонъ—мой!—\*)

Կամացուկ և եղանակով ասում է Նիկոլայ Պետրովիչը՝ գրալով չափ տալով սեղանի վրայ: Նա ժպտում է:

\*) „Սիրույց գերուհին եմ. ես անգոր եմ քո դէմ մաքառել, ո՛վ իմ հրեշտակ“:

Ի՞նչ, ի՞նչ: Նա՞... դէ՛հ, թողէ՛ք, երկուսդ էլ սուտ էք ասում:

Ու Մատվէյ Եգորովիչը քահ-քահ ծիծաղում է: Նրա այտերը դողդողում են և ճակատից արագ հոսում են քրտնքի կաթիլները:

— Սա բոլորովին ծիծաղաշարժ բան չէ, — կանգնեցնում է նրան կինը: — Նախ և առաջ երեխան միշտ նրա ձեռին է, երկրորդ, տեսնում ես, ինչ հաց է: Համ անցել է, համ այրուել... Ինչո՞ւ:

— Հնա, հացն իսկապէս այն չէ... հարկաւոր է նրբան նկատողութիւն անել: Բայց, Աստուած վկայ, ես այդ չէի սպասում: Ախր նա հրէջ է: Հնայ, գրողը տանի: Իսկ մի՞թէ, միւսն ո՞վ է, Լուկան: — Ես նրան խայտառակ կանեմ, փո՛ւճ կենդանի: — Թէ՞ Եագողկան է: Ա-ս, թրաշած պոռնակ:

— Գոմոզովն է... — կարճ ասում է Նիկոլայ Պետրովիչը:

— Ձէ-է: Այդպիսի ծանրաբարոյ մարդ: Օհօ: Է՛յ, չէ՞ք շարադրում, հը՞:

Մատվէյ Եգորովիչին շատ է հետաքրքրում այս չափազանց ծիծաղելի պատմութիւնը: Նա մէկ ծիծաղում է ջրակալած աչքերով, մէկ էլ լուրջ ասում է, որ անհրաժեշտ է սիրահարներին խիստ նկատողութիւն անել. յետոյ պատկերացնում է նրանց մէջ տեղի ունեցող քնքոյշ լուսակցութիւնները և նորից քահ-քահ ծիծաղում է:

Վերջապէս, նա չափն անցնում է: Այն ժամանակ Նիկոլայ Պետրովիչը դէմքին խիստ արտայայտութիւն է տալիս, իսկ Սօֆիա Իվանովնան կողտարար ընդհատում է մարդու ձայնը:

— Ա՛խ, սատանաներ, այ թէ կծիծաղենք նրանց

վրայ: Այս շատ հետաքրքիր է... — չի դադարում Մատվէյ Եգորովիչը:

Գալիս է Լուկան և տեղեկացնում է.

— Հեռագիրը խփում է...

— Գալիս եմ: Տուր 42-րդ ծանուցագիրը:

Շուտով նա իր օգնականի հետ գնում է կայարան: Նիկոլայ Պետրովիչը նստում է հեռագրական ապարատի առաջ՝ հարց տալով հարևան կայարանին. «Կարո՞ղ եմ ուղարկել № 42 կառախումբը». իսկ նրա մեծաւորը ման է դալիս գրասենեակի մէջ, ժպտում է և ասում.

— Մենք միասին մի լաւ օյին կհանենք այդ փչերի գլուխը... էլի բան է, ձանձրոյթից, գոնէ, մի քիչ կծիծաղենք...

— Այդ ներելի է... — համաձայնում է Նիկոլայ Պետրովիչը՝ շարժելով ապարատի բանալին:

Նա գիտէ, որ փիլիսոփան պիտի խօսի լակոնական ոճով:

Նրանց շատ շուտով ծիծաղելու առիթ՝ ներկայացաւ:

Մէկ անգամ, ինչպէս պատահեց, Գոմոզովը գիշերով եկաւ Արինայի մօտ՝ ներքնատունը, որտեղ Արինան նրա հրամանով և տիկնոջ թոյլտուութեամբ իր համար անկողին էր պատրաստել տնական զանազան անպէտք իրեղէնների մէջ: Այստեղ խոնար էր և ցուրտ. իսկ կոարտած աթոռները, տաշտերը, տախտակները և ամեն տեսակ հին ու մին բաները մթութեան մէջ ստանում էին երկիւղ աղքատ գծագրութիւն. իսկ երբ Արինան այնտեղ մենակ էր լինում, — այն աստիճան սարսավում էր, որ, գրեթէ, չէր քնում և աչքերը բաց՝ ծղօ-

տի խուրձերի վրայ պառկելով՝ շարունակ ինքն իրան մբննջում էր գիտցած աղօթքները:

Գոմոզովն եկաւ, երկար ժամանակ լուռ ու մունջ սեղմեց ու տըրեց նրան, իսկ երբ յոգնեց—քնեց: Բայց շուտով Արինան զարթեցրեց նրան տագնապալից շշուկով:

—Տիմօֆէյ Պետրովիչ, Տիմօֆէյ Պետրովիչ.

—Հը՞.—քունը գլուխը հարցրեց Գոմոզովը

—Մեզ փակել են . . .

—Ի՞նչպէս թէ փակել.—հարցրեց նա վերցատկելով:

—Ծածուկ եկել են և կողպէքով . . .

—Սնւտ ես ասում . . . —վախեցած և բարկացած շշնջաց նա, հրելով նրան:

—Դու ինքդ նայիր.—հլու հնազանդ ասաց նա:

Նա վեր եկաւ և ոտքի հետ տանելով ամեն բան, որ պատահում էր ճանապարհին, մօտեցաւ դրանը, հրեց և մռայլ կերպով ասաց.

—Այս զինուորի բանն է . . .

Դռան յետևից հնչեց բերկրալից քրքիջը:

—Բաց արն, դուրս գանք . . .

—Առաւօտ կթողնենք, —ասաց զինուորը և հեռացաւ:

—Հերթապահ եմ տօ սատանայ, — բարկութեամբ և նախանձելով բղաւեց Գոմոզովը:

—Ես հերթդ կպահեմ . . . դու սպասիր . . .

Ու զինուորը հեռացաւ:

—Ախ, շուն,—մորմոքալով շշնջաց Գոմոզովը: — կնից . . . ինչ էլ լինի, դու չես կարող ինձի փակել... մեծաւոր կայ . . . ի՞նչ կասես նրան: Նա կհարցնէ — սուր է Գոմոզովը—հ՞ը: Ա՛յ, պատասխան տուր այն ժամանակ...

—Այս բանը, կարելի է, հէնց ինքը մեծաւորն է նրան հրամայել.—յուսահատ և կամաց ասաց Արինան:

—Մեծաւորը.—վախեցած հարցրեց Գոմոզովը.

—Նրա ինչի՞ն է պէտք:—Եւ քիչ լուրջ յետոյ՝ բղաւեց:

—Սնւտ ես ասում:

Արինան պատասխանեց միայն ծանր հոգոց հանելով:

—Ի՞նչ դուրս կգայ.—հարցրեց Գոմոզովը՝ նստելով կիսատակառի վրայ՝ դրան մօտ:—Ինչ խայտառակութիւն է ինձ համար: Այս բոլորը դու արիր, այ. սատանի զարմ. բոլորը դու արիր... սու—սու:

Բռունցքը սեղմելով՝ նա սպառնաց այն կողմը, որտեղից հանում էր Արինայի շնչառութեան ձայնը: Իսկ նա լուռ էր:

Գաղջ խաւարը պատել էր նրանց, խաւար, որ լի էր թթուած կաղամբի, բոբրոտնի և էլի մի տեսակ սուր՝ քիթը գրգռող հոտով: Դրան ճեղքերի արանքից՝ իբրև երիզ՝ ներս էր ընկել նոր լուսնի լոյսը: Դուրսը աղմուկում էր ապրանքատար գնացքը, որ մեկնում էր կայարանից:

—Ի՞նչ է, պապանձուկ՝ ես, ջաղսու անդգամ,— խօսեց Գոմոզովը լի թշնամանքով և ատելութեամբ:— Հիմա ես ի՞նչ անեմ: Արիր ու պրծար, հիմա էլ լուռ ես: Դէհ, մտածիր, ի՞նչ պիտի անենք, սատանայ: Ո՞ւր կորչիմ այս խայտառակութիւնից: Ա՛խ, Տէր իմ Աստուած: Ինչո՞ւ կապուեցի այսպիսի կնոջ հետ...

—Ներողութիւն կխնդրեմ,—կամաց յայտնեց Արինան:

—Յետոյ:

—Կարելի է, ներեն...

—Ի՞նձ ինչ դրանից: Լնւ, ներեցին, չէ: Այս խայ-

տառակութիւնն ինձ վրայ կմնայ, թէ չէ: Ինձ վրայ հօ կծիծաղես:

Լուսնուց յետոյ նա նորից սկսում էր յանդիմանել և հայհոյել նրան: Այն ինչ ժամանակն անց է կենում սոսկալի դանդաղութեամբ: Վերջապէս կինը դողդոջուն ձայնով խնդրեց նրան.

—Թողութիւն արա, Տիմօֆէյ Պետրովիչ:

—Թողութիւն. փայտով գլուխդ պէտք է ջարդել. —գոռաց նա:

Ու դարձեալ լուսնուն տիրեց, մի դաժան, ճշնշող լուսնուն՝ լի ցաւով և թշնամանքով՝ մթնում փակուած երկու հոգու համար:

—Տէր Աստուած, գոնէ շուտ լուսանար. —կսկծալի ձայնով աղերսում էր Արիւնան:

—Լռի՛ր, թէ չէ քեզ լուսանալ խրատ կտամ. — սպառնաց նրան Գոմոզովը և նորից սկսեց թափել ծանրը անարգանքներ: Յետոյ վրայ հասաւ լուսնեան և անդորրութեան տանջանքը: Իսկ ժամանակի անգթութիւնը գնալով աւելանում էր լուսաբացի մօտենալով, ասես թէ իւրաքանչիւր բոպէն դանդաղում էր անհետանալ՝ հաճոյք վայելելով այս մարդկանց ծիծաղելի, ամօթալի և ծանր վիճակից:

Գոմոզովը, վերջապէս, մի քիչ նիրհեց և վեր թռաւ արագադղի ձայնից, որ հնչեց ներքնատան կողքից:

—է՛յ ջաղն... քնած ես. — խուլ ձայնով հարցրեց նա:

—Ո՛չ, — խոր հոգւոց հանելով, պատասխանեց Արիւնան

—Չէ մի քնէ՛իր, — ծաղրելով ասաց նա: — Ա՛խ դու...

—Տիմօֆէյ Պետրովիչ, — գրեթէ հեկեկալով բացականչեց Արիւնան. — մի՛ բարկանար ինձ վրայ: Խնայի՛ր ինձ: Ասածու սիրուն — խնայի՛ր: Ախր ես ոչ ոք չունիմ.

անտէր-անտիրական եմ: Դձու էլ ինձ... իմ հարազատ — ախր դու իմ...

—Դէ՛հ, մի ոռնար, մարդկանց մի՛ ծիծաղացնիր. — խստութեամբ ընդհատեց Գոմոզովը նրա հիստերիկ քշփշոցը, որը մի քիչ մեղմացրեց նրան. — պապանձուի՛ր, գոնէ... թէ Աստու ու պատիժը հասաւ...

Ու նրանք դարձեալ լուս սպասում էին իւրաքանչիւր հետեւեալ բոպէին: Սակայն բոպէները գալիս-անցնում էին՝ նրանց համար ոչինչ չբերելով: Ահա վերջապէս դրան ճեղքերից փայլեցին արևի ճառագայթները և շողշողուն թելերով ցրուեցին ներքնատան խաւարը: Շուտով ներքնատան շուրջը լսուեց ոռնաձայն: Մի ինչ որ մարդ մօտեցաւ դրանը, կանգնեց և հեռացաւ:

—Մարդասպաններ, — մռնչաց Գոմոզովը և թքեց: Դարձեալ լուս, լարուած սպասողական գրութիւն:

—Մեղա՛յ... Աստուծո՛յ... — շնջաց Արիւնան:

Թոււմ է, թէ կամաց-կամաց մօտենում են ներքնատանը... կողպէքը չխկում է և հնչում է կառավարչի խիստ ձայնը.

—Գոմոզով, բռնի՛ր Արիւնայի ձեռքը և դուրս արի՛. դէ՛հ շ՛ուտ...

Դուռը բացուեց. դռան առաջ կանգնած էր կայարանի կառավարիչը: Նա գլուխ էր տալիս և ասում.

—Շնորհաւորում եմ ձեզ օրինաւոր ամուսնութիւններ: Հրամեցէ՛ք: Երաժշտութիւնը սկսեցէք:

Գոմոզովը քայլեց շէմքի վրայից և կանգ առաւ՝ խլանալով յիմար անձոռնի ազաղակից: Դռան յետևը կանգնած էին Լուկան, Եագօզան և Նիկիւրայ Պետրովիչը:

Լուկան բռունցքով խփում էր դոյլին և անձոռնի տէնօր ձայնով ճղճղում էր. զինուորն ածում էր շուրին, իսկ Նիկիւրայ Պետրովիչը ձեռքն օդի մէջ թափ էր տա-

լիս և թշերը ուռցնելով՝ շրթունքներով անուժ է.

—Պնւմ: Պնւմ: Պնւմ—պնւմ—պնւմ:

Գոյլը դողողում էր, շուին շուացնում: Մատվէյ Եգորովիչը հոճըռում էր՝ կողքերը բռնելով: Ծիծաղում էր և նրա օգնականը՝ տեսնելով Գոմոզովին, որ շուարած կանգնած էր նրանց առաջ՝ գունատ դէմքով և ամօթահար փախտը դողդոջուն շրթունքներին: Նրա յետևը՝ իրրև անշարժ արձան, կանգնած էր Արինան՝ գլուխը կրծքին քարշ արած:

—«Տիմոֆէյին Արինան

—«Քաղցր խօսքեր է ասում»!—

Երգում էր Լուկան մի անմիտ բան և Գոմոզովին զգուշիւ ծամածուծ թիւններ էր անում: Իսկ զինուորը մօտեցաւ Գոմոզովին և, շուին հէնց նրա ականջին դէմ անելով՝ աժուժ էր:

—Դէհ, գնացէք... հ՛ր... թեանցուկ արա՛ նրան... գոռում էր կայարանի կառավարիչը՝ ծիծաղից թուլահնալով: Գրանց առաջը՝ պատշգամբի վրայ կանգնած էր կինը օրօրում էր այս ու այն կողմը՝ ճղճղալով.

—Մօտիա \*)... բաւական է... ախ, մեռա՛յ:

—«За мигъ свиданія

«Терплю страданія»!—\*\*)

Երգում էր Նիկոլայ Պետրովիչը հէնց Գոմոզովի բթի տակ:

—Ուռհա՛ նորապսակներին.— թելադրեց Մատվէյ

Եգորովիչը, երբ Գոմոզովն առաջ շարժուեց: Ու չորսը միասին «Ուռհա՛» բղաւեցին միաձայն. զինուորը գոռում էր զղրղեցնող բոմբ ձայնով:

Արինան գնում էր Գոմոզովի յետևից՝ գլուխը

\*) Մօտիա - Մատվէյ անուան վաղաբշական ձեռը: Ծ. Թ.

\*\*\*) «Տեսաթեան մի վաղ կեանի համար տանջանքներ ևս կրում»:

բարձր բռնած՝ բերանը բաց և թևերը կախ. նրա աչքերը բութ հայեացքով առաջն էին նայում, սակայն դժուար թէ բան էին տեսնում:

—Մօտիա, հրամայիր, թող համբուրուեն. հա՛-հա՛-հա՛:

Նորապսակներ, դառն է \*,—բացականչեց Նիկոլայ Պետրովիչը. իսկ Մատվէյ Եգորովիչը հարկադրուեց յետևել ծառին, որովհետև ծիծաղից ոտքերի վրայ չէր կարողանում կանգնել. իսկ գոյլը շարունակ դողդոռում էր, շուին շուացնում, անաղ անում և Լուկան պարելով երգում էր.

—Մեղ համար, Արինա:

Լաւ օյին հասեցիր:

Իսկ Նիկոլայ Պետրովիչը նորից շրթունքներով անում է.

—Պնւմ-պնւմ-պնւմ: Տոս-տոս-տոս: Պնւմ-պնւմ:

Տոս-տոս-ոս:

Գոմոզովը հասաւ զօրանոցի դռանը և ներս ծըլկուեց: Արինան մնաց դուրսը՝ շրջապատուած խենթութեան հասած մարդկանցով: Նրանք բղաւում-ճղաւում էին, հոճըռում, շուացնում էին նրա ականջին և ցատկոտում էին նրա շուրջն անմիտ բերկրութեան մէջ: Նա կանգնած էր նրանց առաջն անշարժ դէմքով, կեղտոտ, զզգոլուած, և՛ խղճալի, և՛ ծիծաղելի:

—Թագաւորը ծլկուեց, իսկ... թագուհին մնաց,— բղաւում էր Մատվէյ Եգորովիչը կնոջը՝ ցոյց տալով Արինային և դարձեալ ծիծաղում, կուչ էր գալիս:

Արինան գլուխը դարձրեց դէպի նա և զօրանոցի

\*) Ոտուայ մէջ հարսնետոները նորապսակների կենայր խմելիս ասում են այդ խօսքը - «Горько» - դառն է. զրանով ցանկութիւն են լայտնում, որ նրանք հրապարակով համբուրուեն:



մօտով գնաց դաշտը: Սոււրցը, ճիւղը, ծիծաղը հետևում էին նրան:

— Բաւական է, թողէք.— կանչում էր Սօֆիա Իվանովնան:— Թողէք, խելքը հաւարէ: Շուտով ճաշ պիտի պատրաստէ:

Արինան գնում էր դէպի տափաստանը, որտեղ երկաթուղու գծից դուրս կանգնած էր հասկալից արտը: Նա գնում էր դանդաղ, իբրև մի մարդ, որ խոր մտածման մէջ էր:

Ի՞նչ, ի՞նչ. — կրկին ու կրկին հարցնում էր Մատվէյ Եգորովիչը այս կատակին մասնակցողներին, որոնք իրար պատմում էին զանազան մանրամասնութիւններ նորապսակներին կեանքից: Ու բոլորը ծիծաղում էին: Իսկ Նիկոլայ Պետրովիչը այստեղ էլ ժամանակ գտաւ մի փոքրիկ իմաստակութիւն մէջ բերելու.

— „Смѣяться, право, не грѣшно

„Надъ тѣмъ, что кажется смѣшно“!

— ասաց նա Սօֆիա Իվանովնային և ազդուաբար աւելացրեց.

— „Но много смѣяться—вредно“.

Այդ օրը կայարանում շատ ծիծաղեցին, բայց վատ ճաշեցին, որովհետև Արինան չեկաւ կերակուր եփելու, և ճաշը պատրաստեց ինքը տիկինը: Սակայն վատ ճաշն էլ չփչացրեց լաւ տրամադրութիւնը: Գոմոգովը զօրանոցից դուրս չեկաւ մինչև իր հերթը, իսկ երբ դուրս եկաւ, նրան կանչեցին կառավարչի գրաս-

<sup>4)</sup> „Յիրտի, մեղք չէ ծիծաղելն այն անի վրայ, որ թւում է ծիծաղարժ“:

— Յայց շատ ծիծաղելը վնասակար է:

սենեակը, և այնտեղ Նիկոլայ Պետրովիչն սկսեց հարց ու փորձ անել նրան, թէ ինչպէս նա «գրաւեց» իր գեղեցկուհուն, մինչ Մատվէյ Եգորովիչը քահ-քահ ծիծաղում էր:

— Իր տարօրինակութեամբ սա առաջին կարգի պատուիրազանցութիւն է, — ասաց Նիկոլայ Պետրովիչը կառավարչին:

— Հէնց այդ է որ կայ, — յօնքերը կախ՝ ժպտալով ասաց ծանրաբարոյ սլաքպանը: Նա գլխի ընկաւ, որ եթէ Արինայի մասին պատմելիս նրան ձեռք առնի, իր վրայ քիչ կծիծաղեն: Եւ նա պատմում էր.

— Սկզբում նա ինձ աչքով էր անում...

— Աչքով էր անում: Հն-հն-հն: Նիկոլայ Պետրովիչ, երևակայեցէք թէ նա՛ այն գոնչ ու մութի տէրը՝ ինչպէս աչքով կանէր: Հիանալի:

— Հն, նա աչքով է անում. իսկ ես տեսնում եմ և ինքս ինձ մտածում եմ — էյ, խաղ ես անում: Յետոյ, ասում է, կուզե՞ս, քեզ համար, ասում է, շապիկ կարեմ...

— Բայց «բանը շապիկ կարելը չէ»... — Նկատեց Նիկոլայ Պետրովիչը և բացատրեց կառավարչին. — Այս, գիտէ՞ք, նեկրասովից է, «Нарядная и убогая» ոտանաւորից: Շարունակէր Տիմօֆէյ:

Ու Տիմօֆէյը շարունակեց խօսել՝ առաջ ընդ ճրնշուելով, յետոյ հեռզհետէ ստից խրախուսուելով, որովհետև տեսնում էր, որ սուտն իրան օգտակար է:

Իսկ նա, որի մասին խօսում էր Գոմոգովը, այդ ժամանակ պառկած էր տափաստանում: Նա մտաւ խորը՝ հացաբոյսերի ծովի մէջ, ծանր իջաւ գետնի վրայ և երկար անշարժ պառկած էր երկրի երեսին: Իսկ երբ արեւ այնչափ այրեց նրա կոնակը, որ նա այլ ևս չկարողացաւ տանել նրա կիզիչ ճառագայթների ազդեցու-

թիւնը, նա շուռ եկաւ մէջքի վրայ և երեսը ծածկեց ձեռքերով, որ չտեսնի չափազանց պարզ երկինքը և չափից դուրս պայծառ արևը:

Հացարոյսերի չորացած հասկերը խշխշում էին այս կնոջ շուրջը, որ ողջ-ողջ մեռած էր ամօթից, անկումից, և անդադար հողածուլթեամբ ճռճում էին անհամար մորեխները: Ու շոգ էր: Նա փորձեց մտաբերել իր աղօթքները և չկարողացաւ—աչքերի առաջ գընում—գալիս էին վայրագ պար խաղալով՝ ծիծաղացող այլանդակ դէմքեր, իսկ ականջին հնչում էր Լուկայի ձայնը, շուրի ծիծաղաշարժ ոլորմելի շուռցը և հոհը-ուռցը: Սրանից էր, թէ՞ շոգից՝ նրա կուրծքը տրաքում էր, և ահա նա վերնազգեստը քանդելով՝ իր մարմինը թողեց արևի ճառագայթների տակ՝ յոյս ունենալով, որ այդպէս իրան հեշտ կլինի շունչ քաշել: Եւ այդ ժամին, երբ արևն այրում էր նրա կաշին, ներքուստ նրա սիրտը ծակում էր մի զգայութիւն, որ մօտ էր ցաւի և նման այրոցքի: Ծանր հոգւոց հանելով՝ հազիւ երբեմն նա շնջում էր:

Մեղայ Աստուծոյ...

Բայց իբրև պատասխան լսում էր միայն հացարոյսերի չոր խշխունը և մորեխների հողատար ճռճոցը: Գլուխը քիչ բարձրացնելով հացարոյսերի ալիծածան ծովի վրայ, նա տեսնում էր նրա ոսկեգօծ փողփողացող երեսը, ջրհան մեքենայի շինութեան սև խողովակը, որ ցցուած էր կայարանից հեռու ձորի մէջ, և կայարանի շինութիւնների կուրծքերը: Ուրիշ ոչինչ չկար այս անսահման դեղին հարթավայրի վրայ, որ ծածկուած էր երկնքի կապուտակ գմբեթով, և Արինային թւում էր, թէ ինքը մեն-մենակ է երկրիս վրայ, պսակած է հէնց նրա մէջ տեղը, և այժմ արդէն ոչ ոք

եբրէք չի գալ նրա մօտ նրա միայնութեան ծանրութիւնը թեթևացնելու—ոչ ոք. եբրէք:

Երեկոյեան դէմ նա լսեց աղաղակներ.

—Արինա—ն: Արիշկա. սատանայ...

Չայներից մէկը Լուկայինն էր, միւսը զինուորի-նը: Արինան ցանկանում էր լսել և մի երրորդ ձայն, բայց նա Արինային չէր կանչում, և ահա նա լաց եղաւ յորդառատ արցունքներով, որոնք արագ հոսում էին նրա ծաղկատար այտերից և թափւում կրծքին: Նա լաց էր լինում և իր մերկ կուրծքը թաղում էր չոր և տաք էր լինում և իր մերկ կուրծքը թաղում էր չոր և տաք հողի մէջ, որ ընկճէ-ոչնչացնէ այն տապը, որ աւելի տանջում էր նրան: Լալիս էր և լսում էր՝ զսպելով իր հեկեկանքները, ասես թէ վախենում էր, որ ով որ է լսէ և նրան արգելէ լաց լինել:

Երբ վրայ հասաւ գիշերը, վեր կացաւ և կամաց գնաց կայարանը:

Կայարանի շինութիւններին հասնելով՝ նա թիւկ տուեց ներքնատան պատին և երկար կանգնած էր այստեղ, գիտելով տափաստանը: Գալիս և անհետանում էին ապրանքատար կառախմբերը:—Նա լսում էր, թէ ինչպէս զինուորը պատմում էր կոնդուկտորներին իր անկումը, և կոնդուկտորները ծիծաղում էին: Խաղաչ, լուսնկայ գիշեր էր... ծիծաղն հեռու տարածւում էր ամայի դաշտում, որտեղ հազիւ լսելի էր Սիբիրիայի միան ձւձըւոցը:

—Մեղայ Աստուծոյ...—հոգւոց էր հանում կինը՝ պինդ հպելով պատին: Բայց այդ հառաչանքները չէին թեթևացնում նրա սիրտը ճնշող ծանրութիւնը:

Առաւօտեան դէմ նա զգուշութեամբ կայարանի կուրծքը բարձրացաւ և այնտեղ կախուեց՝ օդակ շինելով



այն պարանից, որի վրայ երբեմն չորացնում էր լուս-  
ցած սպիտակեղէնը:

Երկու օր յետոյ Արինային գտան դիակի հոտից:  
Սկզբում բոլորն էլ վախեցան, յետոյ սկսեցին դատո-  
ղութիւն անել, ո՞վ է մեղաւոր այդ բանում: Նիկողայ  
Պետրովիչը անհերքելի փաստերով ապացուցեց, որ մե-  
ղաւոր է Գոմոզովը: Այն ժամանակ կայարանի կառա-  
վարիչը սլաքպանի դունչ ու մոթին տուեց և խրոխտա-  
բար հրամայեց նրան լռել:

Եկան պաշտօնեաները, քննութիւն կատարեցին:  
Գուրս եկաւ, որ Արինան մեղամաբձոտութիւն ունէր...  
Ճանապարհի վարպետի մշակչներին յանձնեցին դաշտը  
տանել դիակը և այնտեղ հորել: Եւ երբ այդ էլ կատա-  
լուեց—կայարանում նորէլ լժաղաւորեց կարգն ու ան-  
գորբութիւնը:

Ու դարձեալ նրա բնակիչները սկսեցին սպրեել  
օքը չորս բոսլէ՝ հալումաշ լինելով ձանձրոյթից և մի-  
այնութիւնից, անգործութիւնից և շողից, նախանձով  
դիտելով կառախմբերին, որոնք սահում—անցնում էին  
նրանց առաջից:

. . . Իսկ ձմեռը, երբ տափաստանում շաչելով—  
շառաչելով փչում է ցրտաշունչ փոթորիկը՝ փոքրիկ  
կայարանը ձիւնով և վայրագ ձայներով լցնելով,—կայ-  
արանի բնակիչների կեանքն աւելի ձանձրալի է:

1897



10779

5009

1. 0 3 0 S E U A K

Քարգմանական գրադարանի բ. գրքեր  
ՄԱՔՍԻՄ ԳՕՐԿԻ — պատմություններ — 10 կտպ.

1  
1  
507

ԳԻՆՆ Է 20 ԿՈՊ.

Պատճառում է բոլոր գրավոր ապացույցներում: